

懷慶府志卷之二十

人物志

列傳

明

李堅武陟人父英在忠節傳堅尚太祖第六女大名公主授駙馬都尉有材勇靖難兵起建文以堅充副將軍佐耿炳文北伐封灣城侯後戰敗被擒械至北平道卒子莊嗣侯成祖卽位以主故獲宥遂納誥券

放浪詩酒以壽終

明史本傳

馮冕孟人宋侍中拯裔孫洪武初以儒士舉授樂城

縣有能聲尋用薦陞春坊贊善大夫九年遷刑部

尚書以疾歸老子家

舊志

元本武陟人父子英仕元爲河陽尹本至正間舉進

士除汾州判官攝襄城安塞縣尹俱有治績洪武初

有司以明經舉授懷慶府學教授遷察言司令史官

吏部郎中致仕

舊志

蓋霖孟人洪武初由太學生任禮部主事特旨掌部

事規畫建置多所裨益歷戶工二部員外郎坐事謫

居興濟永樂間黃福鎮交趾薦於朝授交趾同知道

卒

明志

郎敏濟源人洪武初以國子生授監察御史出守饒

州饒屬樂平民以假借大姓不遂詣闕告密牽累年

餘家詔遣指揮潘某以兵潛捕之敏止潘勿往單騎
廉得其實還具白潘潘疑之自往偵視如敏言速告
密者至京師伏誅樂平安堵

按明史邱敏附盧熙傳
載此事較畧故依舊志

劉幹字孟貞修武人洪武癸酉舉於鄉爲長洲縣丞
清廉仁恕民信愛之比卒貧不能歸民爲買舟資送
留衣冠葬於虎邱山側立石表其上曰劉公墩

舊志

王鐸字雪屋修武人洪武丙子孝廉累官金華知府
釐奸剔弊如神百姓繪圖祀之子愈懋

舊志

愈字希賢鐸長子永樂戊戌進士爲侍御史剛直不

避權貴刻總戎旨功受爵忤旨死

舊志

懋字希昭愈之弟永樂甲辰進士授海豐知縣正統

十年舉治行卓異擢西安知府有聲于璠字文璵精

易解天順庚辰進士歷官安慶知府

見明史楊瓚傳及縣志

馬守忠陽武人洪武初以秀才舉任獲嘉縣縣丞遷

知縣所至有政聲歷官至右僉都御史

縣志

解敏陽武人洪武乙丑進士累官浙江按察使外寬

內明吏不敢欺超拜右都御史

縣志

凌漢字斗南原武人洪武中以秀才舉任京師擢司

經局正字歷官僉都御史尋致仕還漢頗長于政事

爲御史時爲法平恕人有德漢者厚報以金漢日子

自無罪非我私子何以金爲有廉得其事者以鬪故

屢蒙寵眷云

縣志

張旭溫人永樂戊戌進士知稷山多善政子廉正統

甲子舉人

縣志

申嶽溫人宣德四年以歲貢生廷對帝奇其標格授
江南道監察御史立朝端重敢言不阿一時推爲名

御史

舊志

鍾成原武人正統壬戌進士官戶部主事時值河患
成以病予假家居奏黃河沖決被患莫甚於原武北
至舊黃河黑洋山界南至古汴河陳橋舖界相去五
十餘里水皆浸灌縣治居其中於今已六七年矣男
欲耕而無高燥之地女欲織而無蠶桑之所乞敕有

司疏濬築塞以消水患轉運鄰近糧儲以備賑濟從之病愈起官累陞工部郎中

縣志奏見明史河渠志

王黻字文繡河內人永樂癸卯舉人正統間授山東嶧縣令廉明仁惠興學勸農比三年田皆可耕民皆可賦鄰封沂州民請爲牧滕縣民請爲令嶧民詣闕叩留敕褒異任滿以疾歸卒後數十年滕人黃中苞

爲河內令捐金建祠北郭

縣志

王光字德輝陽武人正德戊辰進士初令博興時流賊掠境光備禦有方城賴以全擢御史巡按陝西邊

境肅然尋遷山西副使致仕卒崇祀鄉賢

縣志

李鞏景泰癸酉科舉人成化中知蕭山會潮災新隸

李章景壽及西和舉人房仁中知蕭山會海
塘漂溺無算輦修築隄岸掩殮恤飢民賴以安

浙江通志

毛志陽武人天順甲申進士授吏科給事中天性骨

鯁不避權位論宮闈忤旨歸祀鄉賢

縣志

姜鄙字宗武修武人天順壬午舉人任撫寧知縣明
達果斷陞蔚州知州蔚用武之地振興文教士皆向
化秩滿蔚民赴闕請畱進階四品後以疾歸卒祀鄉

賢

採許讚
撰墓碑

賈鏞孟人以明經爲山西太原府推官廉正持公斷

疑獄如神太原人至今稱之

舊志

劉志河內人成化間除武功知縣爲人仁厚有禮民

服其教毋忍私違也嘗值歲旱躬禱太白靈湫雨隨

至沾足百姓叩迎道左爭以兩具授志麾去曰此神

貺我民者我何可褻易九年致仕歸

武功志

蘭澄陽武人成化丙戌進士授御史彈劾貴戚奄宦

朝野震懾卒於官祀鄉賢

縣志

楊懋溫人志大學博以成化戊子鄉魁任陽城令後

遊國學自製璇璣圖講道成均一時學者皆宗之

縣志

李端澄字學溥武陟人成化丁未進士歷官御史劾

宦官蔣宗外遷甘肅兵備道時西陲多事端澄同威

寧伯王越進討倭斬甚衆陞雲南按察使以忤劉瑾

致仕卒祀鄉賢

舊志

馬瓚陽武人以成化四年貢任山西汾州判官養纒

志撫遺孤仕舒民困歸周鄰里卒祀鄉賢

縣志

劉率武陟人爲四川白渡驛丞時川東寇亂王師問罪司餉著績歿後何塘誌其墓

縣志

郝綰字玉卿河內人父潤仕鳳縣知縣有政聲綰宏治己未進士授刑部郎江西民有以刻龍舟被逮者長官阿劉瑾意命綰檢永樂年間出格事例綰檢得匿卧席下其人得不死遷四川僉事上官等各嘯聚數千人綰單騎往諭皆降散之正德中總制彭澤調綰勦叛軍范藻等旋奏捷陞淑瀘道副使綰素剛直不爲衆口所理致仕歸及彭澤內召陳其大功數十

於是朝廷諭勞之

採何瑋撰墓志

王瀛字崇賢河內人孝子履元孫以歲貢歷靈石教諭課士如治身不少懈何瑋贊其像曰有德有文儒之君子卒祀鄉賢孫所用另有傳舊志

高自修字誠夫原武人正德中登鄉薦謁選授冀州知州屏去煩苛與民休息用薦遷山西太原府同知以終養告歸子世雨隆慶戊辰進士仕至太僕寺正

卿縣

志

范安字子仁河內籍溫人嘉靖癸未進士由河間推官擢御史巡按粵西有聲以劾賊吏忤旨輔張璠罷歸卒祀鄉賢

採家傳

周道字大經懷慶衛人嘉靖丙戌進士授蠡縣令平

易多惠政以憂去改玉田擢御史巡按宣大時大同
新變道請戮其元惡餘罔不治軍民肖像于太平樓
祀之後按真定扈駕南狩塗次劾權貴不法事落職

家居二十六年祀鄉賢

舊志

婁樞字子靜懷慶衛人少爲諸生師事何塘嘉靖乙
酉領鄉薦人咸均授廣宗令時巡撫劉某籍民兵公
謂擾民上鄉兵議劉心啣之適巡按樊某問安民去
貪之畧公應以所令勿反所好作去甚論刺之二恨

交作竟斥職歸著經學史學子學政學五朝文教等

書行世歿後廣民肖像祀之縣祀鄉賢

舊志

劉涇字叔清懷慶衛人少時有鄰女贈芍藥杜門謝

去鄉舉後益肆力濂洛之學師事何瑋成進士授庶
吉士改御史巡城值京師戒嚴涇守北城開門納難
民全活萬衆出守鳳翔屬邑以羨金三千進涇笑曰
世豈有受羨金劉次山哉次山其自號也尋以外艱
去補登州知府晉山西兵備防秋雲中八角堡遇警
涇躬擐甲胄厲衆固守朝議方擬大任會忤者以董
語中之罷歸築白雲山房於西郊讀書其中著有理
學四先生言行錄及京華滇南晉陽三集行世時與
婁樞同修郡志高簡無華一時稱爲先輩典型卒祀

鄉賢

採婁樞白雲山房
文集序及舊志

簡重厚字汝載懷慶衛人以歲貢分訓合肥陞長葛

教諭陳州學正彰德教授整躬課士所至如金在冶

長葛以名宦請河內以鄉賢請

舊志

邢思淳武陟人貢生鄭恭王妃舅王屢召請謝弗

顧曰我豈曳裾王門者

縣志

朱載堉鄭恭王長子恭王薨堉以世及之序讓載璽

疏凡七上乃得報堉兒時卽悟先天學稍長無師授

輒能累黍辨黃鍾演爲象法算經審律製器音叶節

和妙有神解嘗上書請正雅樂歷法比薨諡端清世

子詔建議國高風坊賜葬九峯山所著有樂律金書

歷學新說等書行世

明史鄭襄王傳

何永慶字善夫河內人嘉靖進士授壺關令建城修

學補固安令治如壺關兩地俱祀名宦陞刑部主事
調兵部陞通政司叅議時上諭近臣曰何叅議舉動
不凡朕宮中每學之其爲上所重如此歷右通政致

仕祀鄉賢

舊志

朱裳字則坤溫人嘉靖癸丑進士授工部主事遷兵
部郎中隆慶初出守河間陞雁平道副使調岢嵐道
叅政理互市敵伏銳兵以伺見裳丰采矯然稱天神
不敢犯遷宣府右叅政復互市紅門西人桀驁裳內
嚴戒備外示羈縻終事晏然加二品服後以守正不

阿得罪左遷歸卒祀鄉賢

採何永慶
撰墓志

劉思問字汝知孟縣人嘉靖丙辰進士爲蘇州推官

後補潯安痛懲豪右多所平反擢御史遇事敢言巡按雲南鳳繼祖爲逆討平之再按學江西所取士多一時名流隆慶五年轉僉都御史巡撫南贛贛界四省寇盜出沒用德威緝懷之移鎮福建海寇林道乾毒螫閩廣遣將授以方畧擣其巢穴悉就擒後累官南京戶部尚書以疾乞歸卒

採李廷機撰墓志

韓儼字敬夫修武人仕徽之婺源令縣多大族役屬其細民相沿成俗儼一以齊民視之有事到官亦以

是非曲直斷之民服其公正

採邱濬撰墓志

蕭守身字尚本懷慶衛人少受業於外祖何瑋以嘉靖壬戌進士授襄垣令山城地瘠官署蕭條會修城

隍廟得銀器一窖鄉三老欲以佐令私用拒不納歷
官戶部郎中抗言節用十八事上納之命刊爲定式
理太倉督大同餉前後却羨金萬一千有奇大瑞馮
保用事守身不爲屈觸忌出守臨洮調保寧陞鹽運
使乞休家居二十餘年卒著有經書辨疑錄醫學管
見及詩文集甚富墓草旣宿有蜀人張樸張望賢過
之哭甚哀家人問故樸曰不佞竊人子先生鞠我先
生教我匪先生安望捷南宮乎望賢曰幼聘某宦女
以貧故宦家欲毀盟明公給女出奠雁于公堂今已
生子名德蕭矣又謂公以五百金開朝天嶺道巖險

悉平今嶺上猶肖像奉祀云縣祀鄉賢

舊志

穆秩東字元夫河內人隆慶庚午舉人授保寧推官
補兗州讞訟無所枉陞戶部主事萬歷庚子辛丑間
以鋪官冊立分封諸典禮強持中官不得飽其慾諸
璫怒坐是爲郎十九年吏部請擢用俱留中後遷四
川叅政以老乞歸長子之璋部郎次之璋舉人卒祀

鄉賢

採家傳

閻邦寧字仲謐質樸好學年五十舉嘉靖甲子鄉試
第一隆慶戊辰成進士歷官松江知府遷山西按察
副使居官淡薄以勤慎稱守松江時革除織造房陋
規民德之祀松江各宦

縣志

李賀字上林陽武人隆慶中以貢任滿城令訪民疾

苦除賠累釋疑罪簡訟詞民威感德歸里後值歲祲
施糧活飢民無算

國朝康熙元年祀鄉賢

縣志

趙馴原武人以明經授新安訓導遷孟縣教諭性孝
友居新安時大司馬呂豫石敦請講學爲一時名流

所宗

縣志

胡希舜字用中邑教諭廷瓚子因家于原少負奇姿
發萬歷甲戌進士歷官陝西左叅政所至著治績與
閻邦寧先後講學皆爲儒者所師

縣志

吳應舉字振健濟源人萬歷丙午孝廉不樂仕進卽
所居開臨黃館與里中俊彥肆志詩文彙爲臨黃館

集崇正末年盜賊蜂起築坡頭土寨遠近親友避難

其中全活甚衆五子皆能文

縣志

王明汲河內人萬歷癸卯舉於鄉授朔州知州清勤惠

愛境內穀秀雙穗者千餘著有嘉禾集紀州志祀明

宦

縣志

周佑字助也修武人萬歷戊戌進士出宰孝義縣歸

里後益邃於學四方以文請者踵相錯所著有詩文

等集行世

縣志

王玉鉉字太阿修武人少嗜學文譽藉甚萬歷丙午

鄉試第一爲文高古雅健有信陽北地之風著有秋

水篇數卷

縣志

師教隆字訓臺萬歷乙卯舉人授衡州府推官抵任

後逐奸胥左大貴等蠹弊爲清捕獲巨盜數人羣黨

皆走他郡奸民姚之舜噉其妻母誣陷人隆察其枉

依律治之治衡五年廉明公斷詳見衡人德政錄

縣志

李從諒字信甫懷慶衛人少不好嬉日誦千言以歲

貢分訓鍾離陞輝縣教諭自少至老無謾語多士式

焉以子政修贈奉直大夫祀鄉賢

縣志

蕭守美字尚綱懷慶衛人少孤從母授章句輒抱書

泣比將貢太學首守美次唐生唐生老不能待守美

讓之分訓杞縣陞順德教授捐俸葺學官賜多士不

能婚葬者攝邑令以清廉著卒祀鄉賢

舊志

鄒之任字際可懷慶衛人幼失恃事繼母孝舉於鄉
不輕入公門司理劉如寵指其名告人曰此吾澤臺
滅明也授臨洮推官丁艱補鞏昌攝寧遠篆清徭革
弊里人立碑記之祀鄉賢

舊志

顧師曾字唯甫懷慶衛人七歲能文幼見孀母孤苦
狀每慟哭目爲之腫長益自奮萬歷庚戌成進士卽
表母苦節以聞上下詔旌之除清豐令有能聲陞刑
部主事餉密雲軍卒於塗祀鄉賢

舊志

堵天顏字夢日陽武人萬歷癸丑進士任直隸清苑
縣知縣歷任湖廣按察使陝西右布政使以邊警舉

才幹管關西道事

縣志

王所用字行素河內人孝子履七世孫登賢書纂修
邑志頗有典則萬歷庚戌成進士知福寧州下車擒
海賊調守澤州澤強藩風稱難治畏所用峻潔罔不
馴報最爲天下第一晉兵部武庫職方郎中武弁輿
金一切謝絕出爲山西參政後遷方伯備兵上黨蠲
除綱樣劾治墨令不少假令曠有力者擠之遂歸搆
書香樓課子著有廣金人銘書香樓戒語卒祀鄉賢
子玉汝以貢爲句容知縣孫錫祉

國朝順治丁酉舉人授大田令

採墓志
及舊志

陳來朝字宏化河內人萬歷癸卯舉人仕深澤令陞

鞏昌郡丞監隴右軍有能聲卒祀鄉賢

舊志

楊之璋字荆岫河內人參政初東子萬歷庚戌進士授陝西三原令清介自持威惠大著歷官戶部主事以終養歸魏瑞竊柄郡國大吏爭先建祠頌德或持簿索金堅拒之瑞敗補禮部首輔欲一識面卒不可遂請病少宗伯顧錫疇持其章不上璋投牒竟去生平於書無所不覽刻有靜業甘餘卷甲申春賊將劉方亮自澤州夜襲懷獲璋逼赴西安賦詩數章卒於

道

舊志

董勲溫人幼納采孫氏女患痘雙目俱瞽女父合其改聘勲曰命也義可負乎卒娶之生三子以明經任萊陽教諭訓士有法尋知萊陽縣山東循良稱第一

孫汝楠貢生歷任常德教授

舊志

張四極河內人事繼母孝以明經爲泗州學博正己率物士風一變歸後琴書自適不履城市人稱爲古

君子

舊志

楊嗣修字景歐河內人萬歷丁未進士授行人遷戶部主事出守衡州府平藍山臨武縣盜獠獍熙然化之調汾州陞登州副使再遷榆林道陞右僉都御史撫寧夏投効歸著春秋叙實編從心漫書若干卷郟城圯捐金爲倡家世栢鄉鎮鎮城圯復捐二千金又代邑人輸租六千餘金邑人德之年八十一卒子甦

生桂林府推官孫奇蘊舉人慶陽府推官

舊志

蔡魁春字元之河內人萬歷初由選貢仕五臺令以均里甲繕城守爲先猝有寇薄城下春乘其無備出兵破之寇遁去解組後鄉鄰有緩急傾囊以濟不責報有故家子弟流落贈金令返里復業子毓秀萬歷壬子舉人卒祀鄉賢

舊志

張繼宗字紹正溫人以歲貢官陝西華州訓導勤於訓課華士咸德焉華州缺守上官以繼宗賢能委攝州事清正自矢包苴不入未幾陞王府教授

採何瑋墓表

范繼仁字助寰修武人以明經授九江通判輦米菽之官自給攝德化瑞昌星子三邑篆皆以廉能稱歸

里置義田養贍其族祀鄉賢

舊志

韓爭春字太和孟縣人天啟乙丑進士任大理評事

言論持正不以私憾中傷人卒祀鄉賢

舊志

李初扶字慈莪濟源庠生謹身勵行於經書子史多所貫通鄭王府幕其名延之不就或勸之答曰藩府未免尊驕我輩持師長體當不相得無致悔於後也工文章編纂縣志序傳多出其手居家有禮法子孫遵其教邑中推爲理學第一

孫振振字宜爾嗜學博古與同里李初扶爲莫逆友年俱八十餘猶時相從講論達旦不寐

王立武陟人少勵清操崇正時以貢爲司訓署廣宗縣事有奇羨若干金主者曰故事當入立悲止之曰

若屬溝壑我耶休致歸數椽僅蔽風雨暑月丙夜猶

聞讀書聲

舊志

郭天允濟源人陝西三水知縣卒祀鄉賢

舊志

馮杞字禎明修武人由明經任崞縣令多惠政祀鄉

賢

縣志訛入國朝

薛應祥字平山孟人爲樂安丞濱海多盜應祥明爲

勸化陰鈎致之餘黨乃解散再任新樂丞旋攝縣事

時兵援朝鮮數萬衆所過剽掠民皆避匿應祥以俸

金易蔬米軍得飽食去擢容城令容城近京師大璫

多恣肆應祥以禮訓之旋乞歸子士傑以明經爲武

昌教諭

採家傳

世居月志 卷二十一 人物
張三就號竹林修武人崇正辛未進士孝友博學初

爲朝城令有惠政攝濮州後擢兵部主事所著政畧

諸書行世

縣志

遂杲字光古修武人貫通經史隱居不仕有清華等

集行世

縣志

王賓王字太之修武人中已卯副榜所著有浮園等

集

修武選舉志
失載

耿孕秀字九如孟人家世以儒顯秀蚤慧能文才名

藉甚見中原盜起官兵不能制憂憤甚作擬悲秋賦

廣引遠喻感慨悲涼有騷人風年三十六卒著蛩吟

集三卷

縣志

胡崇震字青陽原武人叅政希舜之孫十歲工詩文
明季草竊擾亂及原邑震恃其才辨潛出圍城將求
援於他郡中途爲警家所殺子公緒見孝義

縣志

田尙德字敬菴温人幼穎異薄利名食餽時與趙某
同列歲薦學使董以趙年老勸尙德先之復疏請給
尙德冠帶假汜水訓導尙德笑曰我真功名棄若敝
蹠而受茲假職耶堅却之

縣志

李杜才字燮圓武陟人年十五學於塾從破篋中得
少陵詩數首愛之背塾師徒步三十里外購得全書
歸且行且讀道中見者皆笑指爲狂天啟辛酉試於
大梁不售遂偕友讀書原城一日忽不知所之五日

後歸袖出王屋山記數千言示友曰自天壇徧歷諸勝所作也性嗜酒居父母喪則慘處斗室不內不飲者三年崇正甲子中副榜檢平生詩文歎曰吾今知非矣因自號愧齋益肆力古文辭所著詩文集身後散佚士林惜之河內令王漢哭於其家爲著傳

採傳語

馬羲文陽武人性孝友以貢任寧國丞善於其職耻奔趨遂解組歸閉戶讀書慨邑志殘闕留心蒐輯手

錄成帙今邑志多羲文之遺云

縣志

胡田字念菴原武人少負氣膂力絕人明末流寇攻掠鄉邑田團練族衆爲自守計時磁州隄土賊張習孟最强橫官兵不敢討邑令問田義勇使往捕合戰

孟最強橫官兵不敢討邑令問田義勇使往捕合戰
移晷賊引槩刺田中口田嚙折其槩以鈎鎌殺賊馬
賊披靡而散令列其功上之軍府署田遊擊族衆署
守備者十三員鎮守本境未幾李自成別黨翻山鷄
寇原境令復檄田拒之屢戰皆捷賊據樓自守田乘
夜仰攻中磚石而亡族衆力戰死者二十七人惜其
名字均湮沒無傳焉

沈志

國朝

劉天池字溟海順治初以歲貢任虞城訓導孝友著
稱教士不倦卒祀鄉賢

楊挺生字循如寧夏巡撫嗣修之子爲諸生揮金交
士士緩急倚之時有洛陽孝廉石岳以其堡民誤殺

左良玉兵欲殺石以償又宗麟祥者魯山進士以事忤邑令令愆大吏褫服對簿挺生疾馳數百里外營求得脫然皆非挺生素識者入

國朝歷任開封府補平陽府推官丁父艱補桂林以疾不赴先是逆闖繫維鄉大夫實關中時嗣修八十一歲矣挺生掖老父潛居雁塔寺卒能迂道邃谷全首領歸卒祀鄉賢子奇蘊舉人慶陽府推官

李政修字粹然懷慶衛人萬歷丙辰進士

國初以薦補淮海道所至不肯曲意下人卒於官祀鄉賢

史應選字仲甫河內人萬歷丙辰進士

國初知濟南府遷南瑞道嘗著人箴一則有云心逸日
休者天下拙人心勞日拙者天下巧人卒祀鄉賢

沈嘉顯字岫陽先世吳江人明初戍燕京左衛隨鄭
邸之藩遂爲河內人家故貧常急人之難中崇正甲
戌進士

國初爲慶陽道賀珍攻西安急全陝震動嘉顯漑酒誓
將士卒奏捷尋擢西寧道值回變將士用命如慶陽
遂殲其渠餘悉就撫當事多誅求不能應竟被劾家
居祀鄉賢

史應聘字任甫應選弟天啟乙丑進士

國朝授潼關兵滿道撫氓靖寇皆所夙嫻以疾乞休卒

祀鄉賢

范印心字正安少豪宕不羈順治丁亥進士知崞縣
有能聲會姜壤叛偽檄日三四至輒手碎之斬其來
使賊怒來攻印心堅守危城鬚髮爲白卒平其亂以
功陞戶部主事權稅西興持大體不尚苛細商旅便
之遷浙江杭嚴道轉口北道尋補河東卒祀鄉賢

竇可權字雲明順治己丑進士授汾州府推官清介
自矢大吏利富翁懷璧以事囑可權卒不應或佯爲
視寢秘置十鎰於牀褥間可權檢還之分校晉闈所
得陳公廷敬等皆一時名宿屬吏有升秩者上官挾
其陰事泥之可權執不可遂投劾歸居家以翁友聞

其陰事泥之可權執不可遂投劾歸居家以孝友聞
卒祀鄉賢

王之翰字大宗崇正壬午舉人少值歲祲自郡取餼
金歸塗遇友人子困甚翰出金子之入

國朝知沔陽所部或以賂進笑曰博士弟子尚不愛餼
餒從大夫後肯以苞苴損節耶沔陽人德而祀之

成王臣字廷弼明末諸生嘗從父游鞏洛督師孫傅
庭自秦關進勦河南北轉輸者會大雪飢寒不能炊
王臣乃煮粥濟人入

國朝中順治辛卯舉人補襄城教諭擢知三河縣罷徭
役值建

陵園民負石冰上手足皸瘃王臣代以車運比壘誤民千

人籲

闕請留任考最擢知景州清操自勵乞老歸築室沁水之陽讀書其中性篤孝友母喪毀瘠至不能起立里人咸服其孝義焉

范發愚字元頴順治丙戌進士知廣靈縣姜壤之變奸民有爲賊內應者捕得立寘諸法飛檄乞援大同兵至城賴以全先是土人或據堡自固有謂爲叛者俘其老弱發愚曰民避死耳非叛也若輩堅壁清野不愈於開門揖盜耶卒索老弱歸之權稅揚州海寇突至率家丁堅守得無恙卒祀鄉賢

鄒玗字石玉順治己亥進士歷任臨洮府同知監河

州軍時番人窺

國家用兵巴蜀突圍河州玗單騎至番營數其三罪立
解去鄴人姚月攀卒於官不能歸葬已二十年會玗
擢知東昌府爲姚子措輿視之需借使歸鄴鄴人至
今高其義云

楊運昌幼遭寇變流離中手不釋卷中順治丙戌進
士由庶常歷任工部右侍郎居官二十七年凡應詔
陳言俱切中利弊因母老終養歸卒祀鄉賢

任倫備康熙庚戌進士知永寧縣寧俗生女多不舉
備示境內有報生女者免其徭役存活不勝數擢考

功司員外卒祀鄉賢

蕭家芝字紫眉慷慨負氣不輕爲然諾河內令王漢甚重之督學黃閏中奇其文呼爲蕭兄而不名入

國朝中順治壬辰進士歷官刑部郎中將恤刑江左誓於朝曰殺人以媚人某不能也明年恤刑山西人不取干以私時當姜瓖亂後芝手繙爰書恒漏下三十刻不休至代州嘔血數升釋大辟七十人巡按詰以以宥多狀芝曰當論公私不論多寡秩滿入都以失出降級遂歸居丹林三十餘年當事者重之修郡志成書有丹林集六卷行世弟家蕙子瑞延瑞苞

家蕙字樹百少倜儻善文與家芝稱二難順治乙酉與兄同舉於鄉丁亥先成進士授朔州知州歷官戶

與兄同舉於鄉丁亥先成進士授朔州知州歷官戶

部員外

瑞延字仲常幼聰慧工詩有甘谷園詩一卷以病拘
學老於家子健康熙丙子舉人

瑞苞字叔方總角爲文每出奇語年二十二食餼屢
試不售益肆力於古問奇者戶屢嘗滿年踰四十貢
太學偕喬騰鳳重修府志康熙四十四年銓授浙川
教諭卒於官著有洛陽山房文稿燕石草

賈光烈字冊馨順治己亥進士知英德縣新文廟設
鄉學讀律令俾人知所嚮先是英有兩驛曰偵陽曰

清溪民苦供億光烈以地非大衝請裁清溪驛邑民

王宣幼聘劉文女宣家中落文思毀盟訟於庭光烈

趣吏昇肩輿使宣迎婦歸仍捐俸治奩具英人爲之
歌曰椽吏娶女從事具車錦襜褕繡襦襦鼓聲殷殷
迎者姝闕城溢郭歌且歛陳某者大猾也光烈出不
意擒治之寘諸典陳之黨以蜚語中傷光烈竟罷歸
有唁之者笑曰吾道當如是也

張鐸字宗尼居家孝友以禮法自持雖博學能文慷
然如不及後以歲貢司訓嵩縣訓迪不倦士人思慕
之

范淳字伯諧其先山西洪洞人曾祖戶部尚書濟世

自濟源再遷河內遂著籍焉

濟世名見於明史方淳從哲傳時爲給事中

自少力學博覽經籍必探其旨及壯潛心理學藏象

自少力學博覽經籍必探其旨及壯潛心理學藏家
子書榜其室曰朱庵志篤信也又類宋儒語爲箴中
五集康熙雍正間當事者累薦之會病不能赴知府
任應烈重其品端學粹延致懷仁書院教授生徒一
以白鹿洞學規爲法卒年七十有三淳弟濬亦傳學
好古至老與兄讀書東湖別墅昕夕不倦時賢稱二
難云

王紹文雍正壬子舉人任天津長蘆場鹽大使場有
貢木置河灘水暴漲將漂入海紹文立木上曰吾職
司典守誓與此木俱存俄而水平人以爲忠誠所感
云

王兆鰲字元素康熙甲午舉人讀書以古人自期充

教習期滿

欽賜內閣中書告歸後嗜學不倦樂引後進著有五倫金鏡錄並瘞殤文年垂九十而卒子錫璋錫璩

錫璋字丹麓雍正己酉拔貢後發往江南委用以不敢違膺民社呈請國子肄業登進士任翰林院編修卒於官著有勸孝瑣言一則

錫璩字宸青乾隆戊午舉人以孝聞父沒每歲時家祀輒悲咽流涕性濶達喜施與舉動必以禮仕河南府宜陽縣教諭選承興縣知縣未至官卒

以上俱河內人

段國璋字王屋明萬歷己酉舉人

國初以薦起仕至太常寺卿遷工部左侍郎卒祀鄉賢

國初以薦起仕至太常寺卿遷工部左侍郎卒祀鄉賢
子昌祚綿祚

昌祚順治丙戌進士幼遭闖寇亂負親避難山中得
免初知平順縣調南樂有廉直聲以薦授中書舍人
轉工部主事督理

陵工復管寶源局能疏通錢法公私交濟以病乞休卒祀
鄉賢

綿祚順治乙酉舉人任上蔡縣教諭訓迪諸生以德
行爲先祀鄉賢

劉漪號蘇門順治丙戌進士歷官廣東道監察御史
按山右舉劾無所徇

國初濟邑鹽課困于征輸漪力言於讎使奏免復

命後風操益勵免官家居輯叙邑乘以簡嚴稱

許宏遠家貧好學以貢生任武安教諭署縣事有胡
汝寧者以非辜坐大辟宏遠廉得實申請釋之安人
頌德焉

侯榮圭順治辛卯舉人知靈石縣政平訟理靈石舊
有水利爲鄰邑權勢所奪榮圭力爭之曰不能爲民
直此事不願官也遂得請立界修隄靈人立祠祀之

見靈石
縣志

璩美斯歲貢生博通經義議論一本程朱河濟之間
學者宗焉訓五子俱登巍科以子廷祐貴贈監察御

史康熙四十九年祀鄉賢

史康熙四十九年祀鄉賢

廷祐字受茲弱冠成進士知建德縣以廉仁報最入諫垣正色立朝尤惡聲氣康熙五十一年條陳豫省漕運之弊立貴賤通融之法出爲鄖襄道內擢光祿少卿病歸弟廷慶字來章康熙壬辰進士亦以文學著

段允持字堯咨國璋之孫初授四川江安縣知縣署叙州府永寧同知時方有事西藏檄調永寧兵馬藩司賞銀未發士卒觀望不前允持卽以應解稅銀散給江安鹽井久廢募民開鑿至今利賴鎮雄土知府惡其民逃入內地請解回卽行拆賣允持不忍其骨肉離散請於巡撫乃安插內地陞授鑾儀衛經歷

段志熙字百維國璋曾孫以廕職歷郎署出守沅江樓霞山有泉可灌民田志熙捐貲疏鑿沅人賴之魯魁山劇賊聚衆數千志熙單騎往撫賊感泣解甲一方以寧擢寧台道留浙江布政使杭城民居稠密竹籬板壁不戒於火志熙定恤災之例捐修沿城石塘並督修城中河道海寧海塘以勞瘁卒於官崇祀鄉賢子景文丁酉舉人官員外郎元文任泰州知州元文字正起志熙次子由貢生歷官泰州知州留心民瘼凡有設施皆爲長久計然性素耿介不事營求卒以細事被議歸著詩文集行世

李端郡諸生幼極貧負販謀食夜則讀書其學務求

李端稱諸生幼極貧負販謀食夜則讀書其學務求

實踐一以程朱之說爲主訓迪後進貧者資以膏火必使成才以子紹周貴贈翰林院檢討卒祀鄉賢

紹周字次公康熙丁丑進士授翰林院檢討考選御史首疏請治西北溝渠以備旱潦再疏陳西北蠶桑之宜以盡地利先後巡視中城請托不行課子姪甚嚴子珣姪璵各有傳卒祀鄉賢

璵字玉璽康熙丙戌進士知仙遊縣慎於用刑有賊夜殺人捕未獲禱于神得之人呼爲白面包公歷任吉州知州河間府知府俱能興利除弊開渠於景州成沃壤千餘頃改調大名以母老乞歸

珣字琛伯天性孝友九歲值生母病朝夕侍床褥弗

肯離及沒哀毀逾於成人由舉人選黃梅知縣陞桑
植同知其地隸土官舊俗姑女必嫁舅子每有舅一
男而娶姑數女者珣委曲開導舊俗一變調永順保
靖二司所治鳳嶋竹溪諸灘多巉巖大石舟觸卽碎
錘鑿莫能勝珣於水涸時架木焚燒石皆崩裂往來
者頌德焉雍正六年開闢田疆奉檄委同先鋒王進
軍苗地珣推心置腹每單騎出入苗寨諭以大義曉
以禮法無不向化歷陞湖南糧儲道仍留駐沅州總
軍務事

詔書優褒晉秩按察使丁內艱服闋

授山東按察使清理積案多所平反方珣之總軍務也黔

授山東按察使清理積案多所平反方珣之總軍務也

苗猖獗玉屏清溪等處連次失陷難民不下十萬叢
集於沅珣聞信分委屬吏查造戶口數飛撥各屬運
倉助賑衆以擅動爲嫌珣曰有罪我自任之君等無
與也卒祀鄉賢子七長友善泰州知州

侯錦章雍正癸卯舉人任湖南嘉禾知縣署永州府
通判所至有賢聲以母老就教職改補夏邑教諭居
官十四年崇學校振儒風且熟於吏治百姓戴之

衛哲治字我愚由拔貢生

乾隆百餘年再公

廷試授贛榆知縣調鹽城邑北門外滙上游七縣之水入
海內水弱則海潮越口而上致全河鹹苦不可飲甚
乃漫溢民田哲治爲建閘立斗門五磯心四又建越

開蓄洩有備化斥鹵爲膏腴沿灘築土墩九十餘坐
以防大潮猝至漁者得就墩逃溺民號之曰救命墩
遷知海州歲荒設法活飢民無算擢知淮安府時河
決陳家堡漂溺男女巫遣小舟數百載餅餌分給流
移涉風濤存問民慶更生歷陞安徽巡撫皆有政績
擢工部尚書以疾固請回籍卒於家子時敏廣西知

縣

周桂齡字聞六御史維新曾孫以歲貢授永城訓導
守官箴端士習有某生被誣行學褫革桂齡力爭之
得免

段維袞字補五泰州牧振蛟長子康熙甲辰進士官

自維衰字補五泰州牧拔蛟長子康熙甲辰進士官
南充知縣有善政所著詩文稿甚富纂修縣志考核

精詳

段敬修字安伯維衰子司訓鄭州化學校雍正間例
當改調以母老歸里兩弟早逝敬修撫姪如己子歲

荒捐粟助賑施地基造普濟堂邑人維重之以上俱濟源人

姜參龍字雲從鄘五世孫兄躍龍貢生善屬文參龍
從之學戊子舉於鄉除山東泗水知縣多惠政陞雲
南路南州知州病歸卒泗人相率來哭之不忍去

成觀光字賓王少孤事母以孝聞順治丙戌進士除
清源知縣有惠政以堅守孤城屢拒劇賊擢刑部主
事家居尤勇於義卒祀鄉賢

范正脉字介子繼仁仲子順治己丑進士授檢討改
戶部主事旋出爲長蘆運同輸家粟以賑流民代貧
商輸逋課不責償遷兩浙鹽運使未任卒平生嗜學
如飯至老不倦祀鄉賢正脉兄正宗字晴麗拔貢生
亦篤學工詩

趙旭字用九康熙丙辰進士授直隸蠡縣知縣清廉
方正擢御史生平周恤鄰黨排解急難人多德之卒
祀鄉賢

趙敏字健行加之子生而穎異以貢授羅山訓導教
誨不倦捐置學田贍諸生之秀傑者後補桐柏學引
年歸有別墅在寨裏邨蒔花植木以詩酒自娛年八

十餘卒

范琬字璋八康熙戊寅以選貢授汝州郟縣教職有
劉斯和者家貧琬愛其才令就學署中且時周其家
劉後登進士選庶常人皆服其藻鑑與兄珥友愛自
首無間

王夢賚字相樞康熙甲午舉人後中明通榜補項城
教職謁選授高台知縣調婺川民憇俗悍素稱難治
夢賚強幹有吏才莅任五載以治稱

邵建元字長萬初元父臨終遺命曰家貧非病惟不
讀書乃真病耳元因奮志讀書母教甚嚴元承順維
謹中康熙癸巳舉人以未竟先志爲憾性剛直遇公

義所激常奮不顧身邑人咸信服焉

范楷字端直康熙壬午舉人除瀘州州同州屬山路險要往來甚艱楷出俸鑿石開道踰百丈土人稱之爲范公路未期年卒於官士民哭送者數千人

吳周聚字十友雍正甲辰舉人性孝友訓誨生徒必以端品立志爲要父母歿喪葬之禮悉準於古平生樂獎就後進年八十二卒

李夢松字蔭岐由貢生任桐柏訓導性孝友博聞廣記尤愛詩歌所著有新增等韻初學訓蒙草訂正喪禮儀節韻學指掌圖諸書皆足爲後學法

范令譽字公永幼嗜學博極羣書中康熙己丑進士

范令譽字公永幼嗜學博極羣書中康熙己丑進士

選庶吉士工於制藝爲士林冠冕

以上俱修武人

徐允昌字宜繩先世山西籍明洪武中遷武陟昌髫齡以孝聞中順治丙戌舉人官陝西鞏昌府推官會戌卒作亂昌單騎往以大義諭之其黨遂散軍民悅服坐他事歸里檢古今名醫方論施藥活人遇人有貧苦患難尤加意矜恤之

李生芳字世唐順治丙戌進士任行人擢戶科給事中出爲涼州道轉懷隆兵備道懷隆遠在塞北兵民錯處稱難治芳按部分理一時治聲騰都下爲不協者所排遂歸里遇地方利害留心區畫請罷黃河夫役築沁隄數十里邑人德之卒祀鄉賢

何煥字中含以選貢歷官葭州知州廉能著稱總督于公成龍至嘉嘆不置洵以病歸遂卒先是煥父璉育其兄子同已出既歿煥遵先志唯謹家雖貧猶歲爲辦官稅長子居廣辛未進士任保定知縣興利剔弊四境大治已行取因他事呈誤歸

李如蘭字九畹順治壬辰進士授任聞喜縣聞喜歷年正供缺額至二萬六千四百兩有奇前官違違以誑累去蘭臚陳其弊力請於上得奏免擢吏部文選司主事尋遷郎中讞江右關中獄清止之聲聞於朝累遷光祿少卿通政左叅兵部督捕理事乞歸家居三年卒子倫僂倬皆有父風

二年卒于倫侯傳皆有父風

李元禮字龍門康熙丙子副車絕意進取教授生徒
發明程朱宗旨先是明末寇亂中丞王漢致書幣欲
延之幕府辭以親老不就及居喪哀毀骨立葬祭如
禮

王化鶴字六翰康熙丙辰進士任翰林院編修甲子
典試雲南有得人之譽性至孝母病湯藥必親嘗衣
不解帶者累月居喪哀毀骨立歲飢傾貲捐賑大虹
橋渡口設義船捐地養給榜人至今便之卒祀鄉賢
千耀字含輝庠生事親孝博學多識工詩賦課子弟
嚴而有法子大千生子九人殊兆成進士超群登賢

書餘皆有學行

李耀字子昭族父如蘭器重之以己酉舉人官尉氏
教職所造就多成良士歷伏羌知縣舊例官馬養之
閭閻民甚苦之耀至革其弊邑故磽瘠加意撫綏不
踰年改觀以註誤歸里詩酒自娛者二十餘年

徐大生字乾如允昌仲子康熙丁巳舉人官蕭縣知
縣留心利弊疏溝洫以備旱澇嘗謂害不除則利不
興必自剪鋤衙蠹始邑鄰東省地多山谷宵人恒多
出沒己丑奇荒鼠竊蝟起大生誅盜首力行保甲固
守池隍百里寧謐莅蕭十三載以疾卒於官

雒倫字彛菴以辛未進士秉鐸新鄭後知繁峙縣摘
發若神性端方廉靜介然不苟典籍而外無他好嘗

以許文正可文定爲法及若林下以曲成後學爲

歿若神性端方廉靜介然不苟典籍而外無他好嘗
以許文正何文定爲法及居林下以曲成後學爲已
任著周易晰義一編未竣而卒

李祚錦字文復性穎異工於文年十三補諸生康熙
戊午舉於鄉考授中書舍人同邑庠生何彤鼎甘貧
守約亦工文

趙完璧字王珍品行端方人慕效之康熙癸亥以歲
貢任閩鄉訓導卒於官其子作舟扶輿歸士子皆泣
送數十里

孟簡臣字金甌廩生以學行著子吉圖康熙己卯舉
人任江南亳州州同

高爾荃字蓀園居家孝友官教職勤於課士工書有

董文敏筆法

高青翼號青峯庠生爲雒倫高弟子得易學秘傳從遊甚衆乾隆三年巡撫尹公延充社師嘉其老而勤慎年逾九旬而卒學者稱爲青峯先生

宋錦字在中先世順天大典人始祖友以前明開國功封武畧將軍後隨藩封山陝西至懷慶高祖芳郡庠生始遷武陟錦中雍正癸丑進士授四川犍爲知縣政簡刑清惠聲大著邑有鹽井久涸力請之上官捐除額賦俗故不知種棉錦督令以時種植民享其利徙知合州值金川用兵例供轉輸時議由陸運錦委曲陳狀得改水道川東諸府縣便之再補廣東德

委曲陳狀得改水道川東諸府縣使之再補廣東德慶州調崖州陞瓊州府同知保薦知府以病歸卒於家所著有西川嶺南二集

毛景遂字仲穎幼失怙事祖父以孝聞弱冠食儉邑庠試輒冠其曹然屢困場屋晚歲惟以書史花木自娛視一切聲華靡麗泊如也素精岐黃之學全活甚衆貧乏者兼贈藥餌無德色乾隆丙午以明經謁選值大吏奏應

恩命賜舉人丁未會試禮部奏耆年宿學四十人奉

旨授翰林院檢討景遂與焉年八十卒於家子哲睿濬俱

力學哲乙酉選貢官教習以知縣用

以上俱
武陵人

吳國用字公輔順治戊戌進士任衛輝教授遷永豐

知縣永豐田土多為豪強隱蔽賦役偏重國用廉得
其狀履畝清核積困以甦縣與閩境比歲飢閩人流
入境者國用調粟拯救安集得所南鄙嘗不戒於火
風勢甚熾國用徒跣拜祝風反火熄邑民以至誠格
神比之江陵劉尹云

楊兆鏞字位南篤嗜經籍嘗竟日不舉火怡然安之
與人交胸無城府康熙戊戌進士歷官禮部郎中以
疾卒於官

周大律字叶六雍正甲辰進士仕溧水知縣以催科
政拙罷黜時房師王公國棟撫吳欲為洗滌大律以

母老固辭歸益探討伊洛諸書教授生徒四方知名
士多出其門

士多出其門

張之良字素臣膂力過人少好遊俠仗策從大將軍南征以功歷任遊擊常較射

行在之良發輒中的

賜御袍及字一幅封驍騎將軍之良訓練有方後陞平陽參將未任卒

張纘緒字滙宗參政斗次子康熙三十一年歲貢生少聰敏嗜學尤潛心伊洛之書燕居必正衣冠教授生徒動有規矩文章皆本經義

鄭秉璧字獻君品行端方居城闈中是不涉縣庭以

歲薦任內鄉訓導

以上俱溫縣人

宋民樂沈邱教諭秉性孝友飭行端方順治初任卽
西訓導邑陷於寇攝縣事招撫流移多惠政

楊四畏平涼府同知祀鄉賢

湯允昌平津訓導祀鄉賢

程可順字孝先喜讀書有勇力挽弓三石餘晝則集
友習射夜則焚膏繼晷人詢其故曰天下將亂聊以
備耳天崇間所在盜起練義勇宿塚下讀孝經琅琅
終日夕賊怪之無敢窺者

國朝順治中以歲貢仕咸陽訓導教弟子每月告各述
所事檢其言行嘗謂人曰凡學者學爲忠與孝也雕

縣志刻巧柯益平著退思堂集三卷子鳴舉

册舉學苑四精岐伯術多奇中嘗曰當使賢相不問
牛喘其自指如此康熙四十八年以歲貢爲夏邑訓
導歲大飢歸德守陳堯策委以賑荒事乃晝夜行泥
淖中親察虛實持斗斛里胥無敢濫邀踰年又大疫
復捐已資合藥餌躬散給之疫息歲大稔當事交章
薦之以母老辭著有宣堂集行世鵬舉家篤孝友五
世同居母韓氏鵬舉事之至孝有傳列女志中

□□□□□□□□□□順治己未進士授戶部主

事維稅淮關植海寇煽亂設保甲之法嚴察奸宄
民始安歷遷吏科給事中剛直敢言時楚中郝寇餘
孽盤踞山谷發禁旅往勦議以豫省民表數十萬運

張濬師人心畏懼固固為爭於魏璠以為不可議遂
寢轉訖豫少卿丁內艱歸遊程門不辭

以上俱
孟縣人

張兼然字天章幼被繼厚重聞孫徵君鍾元先生講
學蘇門山徒步往從先生深器重之二年辭歸先生
送以詩有天章多慧根之句甫是從遊者日衆每與
門人講論畢卽屏居一室端坐終日所著詩文甚富
孟文升字重華由明經授直隸束鹿知縣邑豪竄名
軍府負緣官都司歸里後與其子藏匿亡命為不法
文升至廉得其狀立斃之率吏卒檢其家諸亡命皆
倉猝不及備搜獲良民婦女十餘人還其家鹿人歡

呼載道立祠祝之

麻一變字望魯學問淵博邑志自闢拜寧創修後越
數十年邑令詹公延一變績修焉以齒德舉鄉飲大
賓年七十餘卒

高韜字六也康熙壬子拔貢授葉縣教諭以氣節激
勵諸生勤加考課捐俸金以備膏火士風日盛學使
湯西厓先生按試南陽見葉邑文風爲一郡冠題請
改爲大學葉人士愈尊崇之事詳葉縣志

牛自新康熙乙卯舉人仕國子監學錄有詩名王新
城尚書稱其博雅

薛昭字移玉雍正癸丑以選貢遊太學歸遂絕意仕
遷築室西菴講學其中教人以崇實務本爲尚詩古

卷三十一
人物
列傳
五

交詞皆雄健有古人風力所著有學庸講義稿

薛增字藍玉以明經授武安司訓禮法自持不肯苟
同流俗會邑有公讎衆技雜陳令長及僚屬皆歡呼
相戲謔增屏坐一隅未終席竟長揖辭去年六十卒
於宦所著有西堂詩稿

王芳壁字光序以明經授靈寶司訓靈邑士風凌競
訟必捐賄求勝壁至教諸生以禮積習一變

李振秀字曉元以明經任江南清河知縣值水災爲
民請豁額米三千石百姓感恩立祠後以年老致仕
歸舉鄉飲大賓

姬大訓字陳西以明經授靈寶教諭再補濟源陞湖

南元江縣知縣沅經吳逆後百度廢墜甫下車訪民
疾苦多方撫綏康熙五十八年湖撫以題請復額事
檄縣履畝清丈沅尚缺額地八百餘頃大訓曰蕞爾
邑流亡甫集可以重負相累乎具狀請減屢請乃報
允由是照例請減者十五邑

楊之琦字伯璿康熙壬戌進士授山東濟陽知縣濟
邑向日額設遞馬皆分養里甲民甚苦之琦移置團
槽於公所官備芻豆垂爲定則後值蝗災琦捐穀易
蝗蝗爲掃跡立義學出俸錢以備膏火後卒於官

楊應璠字西山雍正巴西拔貢

簡發江蘇邳州災壤奉檄辦理賑事額銀不足出囊中金

先發後聞邠民均霑實惠後署靖江額有巡海哨船
壞不憚困民爲捐俸造置靖民感戴立祀尸祝之

徐光業廩生以孝義聞警殺生徒究行後文恒以干

進爲戒士人重之

以上原武人

趙竇字珠履順治丙戌進士任淳化知縣以賢能陞
刑部主事爰書案牘盈几閱無滯獄歸里後徜徉泉
石有詩名與申臆盟宋荔裳等盛江北七子著有學

易菴集

張慎爲字含銳順治丙戌進士官浙之長興縣問民
疾苦立社課士然性骨鯁以不爲事上官投劾歸讀

義

盧鑄字禹鼎幼而好學明崇正間盜賊峯起人相食鑄僦客舍讀書不輟人笑爲迂不顧也登

國朝丙戌進士爲江南道監察御史彈劾不避權貴不半載罷歸絕意仕進優游林泉以壽終

郝翀翰字卧灘順治丁亥進士任邵武府推官用刑平允民不稱冤再補江南太平府推官政事一如邵武有張釋之風解組後治還園於東郊足跡不履城市三十餘年而卒

王承祚號錫穀始祖自上蔡徙陽武至永祚十一世業儒承祚就外傳時卽能背誦十三經康熙戊午登


賢書益潛心理學與孫夏峰孫靜子遊凡夏峰遺書
皆參稽焉庚辰始捷南官相國有器重之者未及薦
用以病卒

夢麟字振公永祥子雍正間以賢良方正薦試用出
東知縣署齊河同知適霪雨傷稼奉檄查勘坐木板
浮泥水中行二十餘日繪圖上告得發賑以濟民飢
後以病歸杜門家居不預外事子寅乾隆辛酉舉人
張素履字西園本江南五河人始祖彥禮爲陽武令
遂家焉父爾韜順治戊子舉人素履以庚辰進士授
建德知縣訟平賦均時舊例正供外率派四千餘金
作公項素履詳請革法建民感德巡撫以清官第一

薦候補吏部主事病歸卒於家

趙五雲字朝奏性至孝親歿三年斷酒肉不入內室
與人交有面折無後言伯父賓文章鉅手雲少以猶
子侍杖履盡窺堂奧爲文奇博典麗兼工詩歌數奇
不偶竟以諸生終所著詩文集藏於家

以上俱
陽武人



人物志

忠節

晉

毛寶字碩真陽武人溫嶠平南參軍蘇峻作逆嶠將赴難而陶侃懷疑嶠屢說不能廻從寶言追信改書侃果共征寶領千人爲前鋒嶠嘉其勛上爲廬江太守寶軍懸兵少爲煥撫所中箭貫髀徹鞍洗瘡訖復還救桓宣進破合肥峻死封州陵縣開國侯千六百戶庾亮西鎮請爲輔國將軍隨亮討郭默然平亮謀北伐寶以萬人守郟城求救于亮亮不時遣軍城遂

賈寶率左右突圍出赴江死者六千人寶亦溺死升

平三年下詔復本封寶二子穆之安之

晉書本傳

毛璩字叔連穆之子爲譚安參軍除尚書郎轉安子
琰司馬淮淝之役遷淮南太守歷譙梁二郡內史尋
代郭銓爲建威將軍益州刺史桓元篡位遣使加璩
爵璩執雷元使不受命傳檄遠近列元罪狀安帝反
正璩與西夷校尉瑾蜀郡太守瑗皆進爵初璩聞振
陷江陵使瑾瑗順外江而下使譙縱領巴西梓潼三
郡下涪水當與璩軍會于巴郡縱因人情思歸反還
襲涪善璩璩在峒城遣參軍王瓊討反者相拒于廣
漢璩下人受縱誘說遂共害璩及瑗并子姪之在蜀

者一時殄滅璩子洪之嗣義熙中論璩討桓元功追

封歸鄉公

本傳

唐

劉正臣武陟人初名客奴戍留幽州以材力顯開元
中室韋段普洛數苦邊節度使薛楚玉使客奴單騎
襲斬其首以歸拜左驍衛將軍安祿山反副使呂知
誨降賊客奴與諸將共殺知誨天寶十五載爲柳城
太守攝御史大夫平盧節度使賜名正臣遣使道海
至平原與顏真卿相結真卿喜且請出師未至而真
卿棄平原乃還因襲范陽爲史思明所敗安東將王

元志醜殺之

唐書陸長源傳

杜庠武陟人祖儒懷州刺史父損左司郎中爲鄭州

錄事參軍死史思明之亂贈吏部郎中

舊志

宋

傅察字公晦孟州濟源人堯俞從孫登進士第歷遷
兵部吏部員外郎宣和七年十月接伴金國賀正旦
使或勸毋遽行察曰受使以出聞難而止若君命何
遂至韓城鎮居數日數十騎馳入館強之上馬行百
里許遇幹離不領兵至使拜察曰吾若奉使大國見
國主當致敬今來迎客而脅我至此且太子雖貴人
臣也當以賓禮見何拜焉植立不顧察知不免謂官

屬侯彥等曰我死必矣若等萬一脫幸已吾言告吾

親使知我死國少紓其無窮之悲也彥等至燕密訪
存亡曰殺之矣將官武漢英得其屍焚之裹骨命虎
翼卒沙立負以歸立至涿州金人得而繫諸土室凡
兩月伺守者怠毀垣出歸以骨付其家時年三十七

乾道中賜諡忠肅

宋史本傳

史抗濟源人宣和末爲代州沿邊安撫副使金人圍

代急抗夜呼二子稽古稽哲曰吾昔語用事者鴈門

一道宜擇帥增戍言雖切皆不吾省重圍旣固外援

不至吾用六壬術占之明日城必陷吾將死事汝輩

亦無以妻子爲念而負國也二子泣曰惟命明日城

果破父子三人突圍力戰死于城隅

本傳

元

閔本字宗先河內人性剛正敏給始爲御史臺掾平反寃獄有聲五轉爲吏部尚書移戶工二部皆以能稱明兵薄京城乃北面再拜大書其職銜姓名于屋壁與妻程氏及二女真真安皆縊死

元史本傳

明

李英武陟人洪武初授沂州衛指揮簽事轉驍騎右衛從傅友德征雲貴有功會烏撒諸蠻叛英率所部戰于壁巖野溝斬數百人而死太祖遣官諭祭葬紫金山贈鎮國將軍指揮使

按李英載大名公主

傳事簡文家譜

廬江王朱載理鄴簡王元孫也崇正十七年二月闖賊陷懷慶不屈遇害賊擁其長子翊樞北行于定興旅店作絕命詞不食死

衛正印河內人崇正五年從游擊黃士英分汛太行督土兵百餘人啖菜根不飽寇至執印印怒罵曰我本菜傭上官假我守備職豈肯與若曹伍賊立磔之邵天德河內縣民崇正五年流寇至天德父子五人同罵賊死

趙堪河內人以土兵禦寇戰死母妻子皆自盡

何炳若河內人以歲貢司訓霍邱逆陽陷城罵賊不屈而死贈國子監學錄妻潘氏見列女

張鵬翀河內人明末寇據天壇翀以武舉攝監兵中
軍先登督勦寇張兩翼圍翀翀衝擊兩晝夜救援不
至死之

李世藩懷慶衛千戶年少文弱如諸生而精悍敢戰
崇正末禦靈寶寇爲伏弩中股藩拔矢益進又中臂
猶力戰及中腦折楛殿後全軍歸腦鏃潰不可藥臥
疾于孟未死前猶日與健兒飲酒彈箏高歌相和士
皆垂泣而藩意氣自如越數日卒

閻士選濟源貢生先以行優爲督學推獎有守身如
處女慕親若嬰兒之語後爲鞏縣教諭署縣事崇正

賢

王三俊濟源人有勇力鄉人號曰虎頭河內令王漢假三俊千總從剿賊所向有功後征賊至李家溝官軍失道俊以所部數人與賊鬪力盡被執不屈死

李養麟濟源諸生爲流寇所獲逼爲參謀不從賊怒殺之

李存心石天祿張內實許士彥俱濟源諸生遇寇亂以不屈死

錢養士字望雲孟縣人爲諸生有幹濟才河內令王漢勦濟源巨寇聞士名辟麾下士陳方畧佐進勦漢後遷本省巡撫表其閭曰文事武畧甲申寇圍孟士

率諸生雜卒伍中登陴固守城陷投井死

閻善先孟縣拔貢疾惡甚嚴爲諸生時嘗抗節不拜
孫太監又叩馬諫撫軍避賊人皆爲悚懼善先自若
也闖賊攻孟城陷與孝廉李化邦諸生劉國檄同死
于賊

馬雲路孟縣諸生沉毅有大畧甲申元日題門有報
國三尺劍之句城破不屈賊怒斬之逃者過其旁聞
亂尸中有若牛鳴者就視之乃雲路也首血籍草猶
睜目直視同邑程德化於人少所許可獨心偉路曰
吾何敢望馬君也

張斗字南一溫縣人幼嗜學天文地志一過輒通以

選貢授萬泉令時流寇燎原斗登陣穀甲冑以待至
夜分邏卒皆臥斗起曰風自某方來寇且至以兵襲
之殲其首過天星併俘斬數十人賊遂遁調趙城連
遭親喪去任服闋補深澤令遷永平郡丞調濟南以
平鄒青五縣寇繕雉堞有法賜知府服俸尋陞陽和
道僉事遷薊鎮參政每臨敵坐督撫麾下授方畧能
奇中崇正十五年歿于松山之變

馮師孔字景魯原武人蒙陰令沐之裔孫也萬歷丙
辰進士除刑部主事恤刑陝西釋疑獄一百八十八人

崇正初歷官密雲道兵備副使忤奴璫鄧希詔罷歸
後以薦召對便殿監通州軍時勤王兵無紀律或殺

卷三十一 人傳
六
掠良民以用功師孔審實立致之法軍中股慄陞陝
西巡撫與李自成戰于南陽賧績入守西安賊至守
將王根子爲內應城破師孔投井死明史

吳加增字繼山陽武人狀貌魁梧長於兵法明季流
寇猖獗增署千夫長統領鄉兵力保危城七賊張叛
子聚衆劫掠增率百餘人禦之自辰至酉救援不至
賊圍之數重增撫髀嘆曰此吾畢命之日也如一城
生靈何奮勇衝擊馬蹶被獲不屈遂遇害

國朝雍正七年祀忠義祠

張琳字美五陽武人少負氣節與吳加增友善崇正
間署千總庚辰九月與加增分領百餘人進勦土賊

遇于合角集增陷陣被害或勸琳潰圍走琳曰我與
增奮身行伍誓爲朝廷殺賊今增獨死何面目相見
也奮力衝殺亦被害

王宗弼字東泉河內人崇正壬午舉人授甘州知州
李自成陷州城宗弼刺血題詩衣襟遂遇害家人持
血衣歸報其家葬此衣于北金村丹水之曲

李毓梁字喬選孟縣人幼有雋才崇正壬午舉人流
寇襲懷慶據之下令徵屬內舉人赴西安授官梁外
爲治裝具酒饌會食酌酒上母諸子亦以次上壽梁
爲飲滿意色如平日畢會遣其婦與二子送母山巖
囑之曰第善事老母他事我自調度返至室取片紙

大書曰聖恩深重背之不忍老母年高逃則不能惟
有一死可謝君親卽解帶自縊于庭樹明日母至不
哭曰兒不欲從賊死遂其志矣何痛爲先是梁爲人
佚宕不羈至是以節死遠近悲慟皆恨知之不盡
修武鄉官教授侯來同教諭李時華同時殉難戊子
庫大使焦鏞肢解見改驛奏疏

國朝

丁運昌河內人前壬午舉人順治初仕袁州司理金
聲桓之變被執不屈死之

張爾見懷慶衛人順治初以歲貢署孟縣教諭闖賊

自縊不屈死之

王政本名源河內武生康熙十六年征吳三桂隸佟
提督麾下令賈招撫

勅諭二十道赴賊壘張掛遂爲賊所害部檄優恤免其家

徭

李生榮河內人康熙五十六年五月攻宜陽神後寨
奮勇先登中礮死

劉起鳳河內人康熙五十六年七月攻澠池縣三架
山奮不顧身中礮死

孫起龍河內人康熙五十六年六月攻閿鄉縣高柏
寨臨陣爭先猝遇鎗火頭顱爲碎

李如美河內人康熙五十六年七月與劉起鳳等共

攻澠池三架山奮勇百倍以飛鎗傷項歿於陣

孝義

周

聶政軼深井里人避仇與母嫂如齊以屠爲事濮陽
嚴仲子與韓相俠累有郤求可以報俠累者或言政
勇敢士也仲子奉黃金百鎰前爲政母壽政謝曰臣
幸有老母家貧客游得甘毳以養親親供養備不敢
當仲子之賜仲子辟人自爲政言政曰臣所以降志
辱身居市屠井者徒幸以養老母老母在政身未敢
以許人也仲子固讓政竟不肯受久之母死旣葬除
服政曰仲子前日要政技徒以老母老母今以天年

終政將爲知己者用遂西見仲子仗劍獨往至韓刺
殺俠累因自披面決眼自屠出腸遂以死

史記

漢

陳伯陽武人丞相平少時家貧有田三十畝獨與兄
伯居伯嘗自耕田縱平游學平爲人長美色人或謂
平貧何食而肥若是其嫂嫉平之不親家生產曰亦
食糠覈耳有叔如此不如無伯聞之逐其婦而棄之

史記

石建溫人萬石君奮長子爲郎中令建老白首萬石
君尙無恙每五日洗沐歸謁親入子舍竊問侍者取
親中褻廁牕身自澣洒後與侍者不敢令萬石君知

以爲常萬石君卒建哭泣哀思扶杖題能行歲餘建

亦死

史記

丁蘭河內人少喪母刻木爲像事之不少怠鄰人張叔擊其像蘭卽奮擊張叔吏捕蘭去像爲之垂涕郡縣嘉其至孝奏聞詔圖其像

按丁孝子刻像何以遺父孫盛逸人傳作考妣者是應從之

郭巨河內人家貧事母孝有子三歲每供饌母常減食與之巨謂妻曰兒分母饌母不飽子可再有母不可再得乃謀埋其子掘地三尺得金一釜上有丹書云天賜孝子

按巨爲林慮人于漢屬河內郡故孝子傳云巨河內人也

如陝西河內縣志卷之不察前縣後縣之有別第見
河內字樣往往俱採此其一也而府志更云溫人
則又據干寶搜
神記未詳孰是

趙孝濟源人性至孝赤眉賊欲殺其異母弟禮孝急
往謂賊曰禮能養母而瘦孝不能養而肥願以已易
弟使衆得飽老母亦得所養也由是兄弟相代讓賊
義而並釋之

按此事載後漢書趙孝傳並其弟名亦同但漢書
云沛國蘄人又言禮亦恭謙行已類於孝今郡縣
舊志言孝與禮析居禮陰賂大姓士斷得廉
則不類已甚矣豈濟源別有一趙孝趙禮耶

趙承河內人梁冀誣李固下獄承等數十人要鐵鎖
詣闕通訴太后明之乃赦焉冀更據奏前事誅之承
等悲嘆不已乃共論固言迹以爲德行一篇

李固傳

張範字公儀河內修武人太傅袁隗欲以女妻範範
辭不受曹操平冀州遣使迎範範以疾留彭城遣弟
承詣操操表以爲諫議大夫範子陵及承子馘爲山
東賊所得範直詣賊請二子賊以陵還範範謝曰諸
君相還兒厚矣夫人情雖愛其子然吾憐馘之小請
以陵易之賊義其言悉以還範

本傳

三國魏

司馬芝字子華河內溫人少爲書生避亂于魯陽山
遇賊同行者皆棄老弱走芝獨坐守老母賊以刃臨
芝芝叩頭曰老母在惟諸君憐之賊曰此孝子也殺
之不義遂得免害以鹿車載母居南方十餘年躬耕

守節曹操平荊州以芝爲管長遷廣平合魏黃初中入爲河南尹內官欲以事托芝因芝妻伯父董昭昭猶憚芝不爲通明帝卽位賜爵關內侯卒于官子岐

嗣

三國魏志

南北朝

毛惠素仕齊爲少府卿性至孝母服除後更修母所住處牀帳屏幃每月朔十五向幃悲泣旁人爲之感傷終身如此惠素吏才彊濟而臨事清刻有讒惠素納利者伏誅死武帝後知其無罪甚悔恨之迨

國朝雍正七年祀忠義孝弟祠

按惠素爲毛修之孫附見南齊書循吏傳李延壽南史繫于修之傳下云孫惠素舊志誤作孫姓并

卷二十二

八

孝義

二

刪素字所宜急爲更
正以清祀典者也

司馬嵩字文昇溫人聰警有至性年十二丁內艱哀
慕過禮水漿不入口殆經一旬武帝見其羸疾久之
字其小字謂其父曰昨見羅兒面顏顛顛使人惻然
便是不墜家風爲有子矣及丁父艱哀毀愈甚廬于
墓側日進薄麥粥一升墓在新林連接山阜舊多猛
獸嵩結廬數載豺狼絕迹

南史孝
義傳

司馬延義字希忠嵩之子少沉敏好學丁母憂喪過
于禮及嵩還都延義乃躬負靈輓晝伏宵行冒履冰
霜手足皸瘃遂致孳廢數年乃愈位司徒從事中郎

張安祖河陽人龔世爵北山侯時有元承貴曾爲河陽令家貧且赴尚書求選逢天寒甚遂凍死路側一

子年幼停屍門巷棺殮無託安祖悲哭盡禮買木爲

棺殮殯周給朝野嘉嘆尚書聞奏表其門閭

魏書孝感傳

門文愛山陽人早孤奉養伯父母以孝謹聞伯父亡服未終伯母又亡文愛居喪六年孝毀骨立鄉人魏

仲賢等相與標其孝義

同上

唐

王友貞懷州河內人父知敬善隸書武后時仕爲麟

臺少監友貞少爲司經局正字母病醫言得人肉啖

良已友貞剔股以進母病愈詔旌其門素好學訓誨

元 卷三十一 人物 三
子弟如嚴君口不語人過重然諾歷長水令罷歸中

宗元宗時屢召不至卒年九十九

唐書隱
逸傳

時惠珣陽武人事親居喪著至行事聞于朝詔旌其

門道

國朝雍正七年祀忠義孝弟祠

孝友
傳

劉士約河陽人割股事親朝廷給帛旌表

孝友
傳

榮壁濟源人事親居喪著至行

孝友
傳

孫泰山陽人少師皇甫穎操守有古風姨病篤以二

女託之曰吾長女損一目汝可娶其次姨卒泰娶其

長者或詰之曰人有廢疾非泰何適當置別墅用錢

二百緡居兩月俾其人也徒有老嫗痛哭數日泰聞

之曰老婦舊事姑於此子孫不肖爲他人所有故悲耳泰惻然久之因給曰吾適得京書已別除官不復駐此且命爾子掌之言訖而去泰壽九十終子展進士世爲顯官

舊志

宋

時翁逸其名爲鄭州牙校年六十餘未有子差赴成都市一女白布總角詰之女泣告曰父都下人爲州掾卒無力扶櫬故讐妾耳翁惻然歸其女以金代爲管辦送櫬都下未幾生子彥舉進士第一官吏部尚

書

舊志

趙彥魯溫縣人與兄彥雲同舉十二年兄好聲色博

奕彥霄諫之不入遂分居後兄生計蕩然彥霄邀兄
嫂復同居俾主家務以分券付之火人始知向日之
析爲兄畱餘財耳後彥霄與子登舉

舊志

陳芳河陽人仕至大理丞一門十四世同居三百年
政和六年翰林學士許光凝與宣和殿學士薛嗣昌
中書舍人宇文廣中共薦之詔表其閭

宋史孝義傳

金

宋可字予之武陟人其姑適大族豪氏貞祐間遭兵
夫及子皆死于難姑以白金五十笏遺可可受不辭
後姑得豪氏踈族立爲後可乃置酒會鄉鄰謂姑曰
往時遺金因豪氏無嗣暫受之今有子矣此金豪氏

物非姑物也請歸原金未幾北兵駐山陽軍中有聞
可名者執其子使人招之曰從我者生不然汝子死
矣親舊勸之往可不聽曰吾有子無子與吾子死生
皆有命豈以一子故喪我生平後竟以無子

金史
舊郡縣

志作張
可者誤

劉全武陟人性至孝金末河朔擾攘父源母崔氏俱
爲北兵所掠父病卒母被鬻不知所往全就虜而去
後三年遁還訪母子邢蠡間果得母所在哀號祈請
主家拒弗許全行乞得金贖以歸敬養三十餘年

舊志

元

蕭翊字公璲武陟人讓之子性資驚悟讀書力行循

循以禮自持年弱寇薦補無爲路教授辭以親老不
赴後父母俱卒廬于墓側哀痛無已凡二年而卒吏
部上其事特加旌表

縣志

楊一懷孟人至元間與叔清分居清漸貧一密詣神
祠焚析券復迎叔同居三十年無間言有司以聞詔

旌其家

元史孝友傳

張宏毅修武人七世同居一門孝友長幼敦睦財無
私蓄有連理槐生焉詔旌其門名所居地爲義鄉

舊志

趙成濫人事親孝親亡廬墓祭葬盡禮詔旌其門

同上

員思忠修武人以篤孝稱詔旌其門

孝友傳

侯榮丁用郭天一俱懷慶人居喪廬墓詔旌其門上

明

王履親卒廬墓冬月生芝詔冠帶旌之

高三永樂間父母繼卒躬運土築廬墓側者三載

楊千得永樂四年祖母病篤千得割股飲之病立愈
祖父病又割左臂肉以進病亦愈閭里稱其篤孝

張倫懷慶府庠生父卒廬于墓所朝夕哭奠鹽酪不
入口者三年既除喪不御酒肉二十年

張孝字有誠父葬太行山孝廬墓側日食糜米半盂
如是者四年鄉人焚其廬以促之歸孝復穴居數月
母病始歸猶不食酒肉正德乙卯貢於廷以母老不

赴選母卒一慟而絕何塘請郡守爲購塋地遷其父
柩同母子二喪葬焉

黃應選諸生廬墓三年時冬杪滿墳生黃花復有白
狼馴墓家甚貧有司賑之不受何塘作詩美之

鄭恭王事母閭太妃至孝王以諫言適置祖陵十八
載及還國太妃年逼桑榆繞膝嬉戲如兒時每獻食
輒戴首以進博太妃一笑及太妃薨服食一遵古制
竟以毀卒

孫士堯侍母病三月不解帶歲大祲有負者將鬻子
以償聞之燬其券後還人遺金聞於令旌其門

丁時皞庠生幼事孀母甚謹而自奉粗糲有良田三

十畝盡推以予弟子文煥舉於鄉

蕭永命萬歷壬午舉人童時繼父守身宦遊京師旣歸里其師卒於京永命遣力與櫬歸葬友人負貸者疾且革永命携原券往面焚之友伏枕謝猶涕泗不能止命曰君幼女未字是宜使君不瞽目吾有子當爲問名友益感勵及卒禮聘其女所著有詩文集春遊絕勝草

任鏡盧俊才沈時榮鄒世德俱割股療親

張堯臣仕明藩典儀正少孤事母以孝稱歲大穰出粟賑之賴以存活者數十家

葉茂春字梅崖少孤失聰時時伺母顏色母病不釋

卽不食感眉額爲嬰兒啼一日母病垂危投母懷中
泣竟日夜母漸甦夢神謂曰若見孝奏帝帝錫若兒
孝廉三十載養若萬歷乙卯果舉於鄉洎母亡時正
三紀耳先是邑令卽存性慕其行屬犯科者免茂春
關白茂春介然不屑

婁起敬字敬一鄉賢樞之曾孫性孝友以母病遂究
心於醫守令多延請者然未嘗干以私郡人無貧富
皆爲診視或酬以金帛不受生平無謾語無畸行人
稱爲長者以歲貢終於家

蕭永嗣字元美明天啟選貢祖瑀鄭府典寶常焚負
券二千金人高其義嗣性端毅幼失恃事後母以孝

聞與後母弟同臥起竟夜講誦不倦也後弟病歿哀
痛若狂走迷所向髣髴見神導之得抵姊家崇正庚
辰大饑減糶以濟里人後其子家芝家蕙皆成進士
孫曾克嗣其家人以爲孝友之報云

江舟倫天叙焦麟徐伯宜皇甫獻楊應卿皆親歿廬
墓三年

馬耀圖字義瑞慷慨有大志邑令王漢厚爲之禮從
漢剪寇大行數有功及晉巡撫耀圖輒身詣賊壘招
降李奎劉宏基等數萬人漢卒耀圖遂不盡其用云
牛騰奎世居紫陵鎮前此紫陵無業儒者自奎冠童
子試士始鼓舞向學奎別墅在長樂莊莊瀨沁奎耕

衆建拯民隄及長春隄各十餘里數百家特以無恙
次子冲從知縣王漢勦寇單騎入賊壘招撫楊四等
千餘人漢手書褒美謂古名將不過此

高韋魁都一鵬俱以義行稱

以上俱河內人

段相字誠菴好行善一日坐門內有負貸者趨趨不
敢過相窺其意起避之其人愧以息來償不受疾革
時遺麥本五百石悉焚之子可行字紹菴亦有善行
孫國璋另有傳

魏大經崔良臣璩鳴玉皆以義行稱

田良甫李泰俱濟源人正統初良甫輸米一千三百
石泰八百石賑濟英宗有旌田義民詔見藝文

柳九鳴以孝行稱

侯靖邦庠生流寇亂有戍兵趙民祿爲仇家所陷王
屋道士朱之清以非罪繫獄有司俱欲殺之靖邦力
辨其寃得不死

張學禮高槐俱廬墓三年

李我立字建吾性高潔澹於名利好山水時襄糧出
遊遇凍餒者輒周給之恤灾憫患出於天性子端字
懷方郡庠生亦慷慨有大度施惠不責報孫紹周另
有傳

以上俱
濟源人

馬瀾宏治甲子舉人仕樂昌知縣告歸性孝友父癯
爲嘗糞及卒哀毀踰禮孝事母至老不衰撫弟澍尤

篤厚何塘志其墓

馬恂庠生少失怙事母田氏至孝母病祝天願以身代病獲安母復患癱恂吮癱注藥癱亦平及母卒廬墓三年時有雙白鳩巢于樹人至不驚

高延壽割股療親

薛復亨苦志力學母郭氏疾醫藥不效復亨祝神願以身代母壽十年是夕母感異夢遂愈從復亨卒果先母十年

趙小二親歿廬墓三年

王三聘以孝行稱

薛文濟正統間出米麥一千一百石賑濟賜敕褒之

周公直聶文秀王忠朱成俱武武人各出米麥豆一
千一百五十石賑濟賜敕褒之

以上俱
修武人

孫毓洪武丙子舉於鄉代祖父戍邊十四年始歸居
母喪廬墓三年年九十詔賜冠帶幾及百齡卒

荆良正統間歲大祲出麥千石賑濟有司以聞詔旌
其門建有義民坊敕文一道

張強家貧婁嘗於沁河渡口負人涉水日博數錢爲
饌供母邑令李昌聞而賢之月給米五斗嘉靖甲辰
歲直指旌其門

王宣性寬容好施予友人某母喪乏殯具慨然解三
十金爲助嘗有惡少詈其門出酒饌以食之其人愧

悔由萬歷乙酉舉人令鄆縣擢冀州守益著治聲母
病乞終養士民懇留章四上始得請

王言兄弟八人友恭無二閭里化之

朱瓚以醇篤重於鄉兄弟雍睦壽幾百歲爲鄉飲者
賓

王許以孝義稱

邢可權天啟辛酉舉人時流寇掠婦女白氏等爲追
兵奪獲可權畱養別院查送原籍任太原知縣著有
循聲值歲飢出粟賑貸全活甚衆

趙天祥親歿廬墓三年

毛三槐性醇謹好施予弟三旺早卒遺孤甫十歲撫

之如已出比長督課維勤遂成名士

王定王薦賢武可賀俱割股療親

劉士傑字育髦慷慨好義人有負其貲者輒焚券不
責償驛丞某病革無子密付五百金於傑丞歿其弟
至傑如數畀之以歲貢爲孟津司訓嘗攝邑篆值鄰
邑以王鹽貽禍孟津士傑力鳴諸上官邑人德之刻
主爲祀轉磁州學正旋遭國難解組歸時貴有欲識
其面者辭不見曰吾老髦得爲聖代逸民足矣

宋登先

孫孝

雲蛟

趙國龍

張九官

任思義

王慈明

毛九之

王

曉

俱以義行稱
上俱武陟人

陳克忠宣德間歲歉忠捐粟七百石賑之

朱袞制股療親

程式資學不凡當歲薦時式應首列推讓其次學博
奇之宣德乙卯舉於鄉官延川訓導

李范以孝行稱

張瑾孟珪俱溫縣人天順間歲大祲各出米四百斛

賑濟飢民邑令武韜遵詔立石記其事

以上俱
溫縣人

李德孟縣人洪武時旌

見明史
孝義傳

尙幹字守廉天順三年父從征竹查山遇疾以事畢

幹幹年才十二卽號泣倍道往視甫至而父卒欲扶
柩歸葬力不能計焚之方舉火天忽大雨督兵者異
其孝以貲給之歸途遇虎勢甚危禱曰天乎幹死不
足惜奈親不獲葬故土何虎旋去竟得歸窆後與邑
人韓瓘同賈四十餘年不分資瓘亦有高義鄉人爲
異姓同財記以美之

劉淳行君喜俱親歿廬墓三年

劉章字德顯與仲兄文業儒文天順間舉於鄉未仕
卒章遂躬耕事母母病劇章泣祈代死醫教以嘗糞
甘苦章嘗之苦醫曰厥疾瘳矣旬日果痊

張簡寧武升俱割股療親

李閻少孤鞠於會大母大母母三節婦比長李敬如
一母與大母繼歿旣葬廬於墓側累遭大水不及墓
次人謂孝感所致

耿瑁字大器好施予捐貲建侯村穀旦兩橋族人力
不能完賦者代爲辦納鄉里不能舉婚葬者出貲以

助何塘銘其墓曰富而好義

以上俱孟縣人

尹宗憲家貧自奉極粗惡事二親必致甘旨親歿廬
於墓所竟以毀卒

張爾捷庠生性至孝父疾革爾捷與妻何氏焚香哀
禱願以身代後父疾竟愈

楊端性慷慨崇正中邑大飢時以軍興會食民至首

鬻子女妻妾無售者端出銀三百餘兩代完緊急倉口縣令義之許以徵還端謝曰後徵與前徵無異耳張景春以義行稱

王邦仕素行義值飢疫死者無筭邦仕曰吾力不及遠乃悉其宗族之無人殯殮者各爲葬具瘞之以上俱原

武人

高仲德商長興值兵亂失母挾貲走燕冀悲號道路求之竟於同商得母書數千里迎歸洪武初舉孝廉授官迨

國朝雍正七年祀忠義孝弟祠

劉大家貧值歲飢傭工以事父母父母相繼卒大徒

卷二十三 人物
三
踣營葬廬墓六年永樂間旌表其門後祀忠義孝弟

祠

蕭盛字世昌七歲喪母悲號如成人後父卒廬墓三
年有青蛇馴擾之異事聞旌表後判通州決十餘載
疑獄人稱神君祀鄉賢孫雲鶴亦以孝聞

孟真儒貢生任鹽山縣丞以賢能著轉崇府紀善時
父霖尚在堂乃日親老垂白奈何升斗是縻遂歸日
以娛親爲事年八十六而卒臨終召子孫至榻前咏
一聯示曰生平無一事欺天今日送百骸歸地後祀

忠義孝弟祠

劉振正德戊辰歲大飢捐粟活人以萬計嘉靖甲申

再飢賑濟如前後祀忠義孝弟祠

李麟親歿廬墓三年

崔瑤割股療親

朱友義張大振李周傳俱以孝行稱

劉洋

馬錡

劉銳

趙應聘

王尚賓

王添輔

費春元

費書元

孟懷恩

李萃然

王守德

曹克恭

王守政

俱以義行稱
以上俱陽武人

以

國朝

遂登高善事繼母性行端亮有巨室以千金付高值歲飢高獨施殆盡自鬻田產以償無難色

鄒楷字範夫八歲時母病劇卽禱以身代比長樂施不倦有張姓者以逋貸不敢歸家楷嘆曰此茆茆者乃問人母子歡耶自焚券招之歸以明經司訓汝寧歷遷教授卒祀鄉賢

楊蕃生字素如順治壬辰進士授大同推官遷戶部郎陞井陘道所至以廉靜稱及歸里值歲洊飢出粟三百石以貸貧者歲熟不責報曰曩時督通州倉秋毫無所取巡井陘却軍餉羨金萬餘緡乃眷此區區

粟不能度外置耶子賜昌兵部主事

何鑛字仲開庠生幼喪父事母甚謹兄弟三人共爨七十餘年內外無間言里中貧死無殮飢寒無告者必多方賙助之有鄉人孟甲陷於獄將鬻女爲贖錢鑛憫其愚助以八十金俾脫獄完聚雍正二年年幾九十以優行舉

恩給八品頂帶

丁萬秀性孝友與人謙下無疾言遽色事父母至孝如嬰兒里黨推爲倫紀之宗

楊進善邱時亨皆以友義稱

賈濂以孝義稱

申自立拾遺金還人

陳靜誠字實菴少孤事母孝稍長折節讀書中乾隆辛酉舉人選汜水教諭母晚年多疾靜誠子夜焚香願以身代疾遂瘳嘗攝篆汜水知縣有兄弟爭產數年不決或以賄囑靜誠怒却之其人畏服訟遂寢再補西華教諭時值疏河瀉水生監有抗不任役者邑令請往諭之衆皆悅服任事邑城三面距小黃河西郭隄勢尤危督役增土及河水發兩河南北決城者五十六州縣而西華城屹然無恙

鄒松如字蘭友庠生族黨貧乏每多周濟負債者悉爲焚券歲歉有鬻女者代償其值俾得完聚

玉章先後成進士

采章雍正丁未進士授福建福安縣知縣多惠政常
念父年老多疾艱於迎養改補教職凡兩任歸德府
教授

玉章雍正甲辰進士初授故城縣知縣甫下車卽盡
除邑中陋規於城門設木櫃令民按日投牒其中隨
訊隨結改任江南歷知吳江縣皆以廉能著後任江
西廣昌乞休歸讀書自娛著有居敬堂文稿

趙育瑄廬墓三年鄉人立碑表其處

張舉庠生廬墓三年

王元雍親歿負土成墳築室墓旁日拜獻飲食者三

祭如生禮提督湯公表其門

以上俱河內人

李褒性至孝幼隨親避難卒遇寇至褒涕泣哀號求免其親寇憐而並釋之父病危禱於神祠願以身代父病旋愈及父卒喪葬盡禮廬墓三年雍正年間祀孝義祠

何兆祥字福全性至孝父騰龍負才不遇思徧歷名由不告家人而出久不歸兆祥年十八徒步由少林中嶽至金頂訪父問關一年不遇歸省其母既聞有於金頂見騰龍者立馳赴之復不得因自襄陽下趨吳越至南海見壁有父題句編尋之九年終不遇復

歸省母明年親往走秦岱過五臺無蹤亦於是復成長

安遍歷秦中繼入蜀至峨眉又九年仰天大哭曰祥
此生竟不能重見吾父乎乃謀歸訪之近地兼省其
母至汝州之風穴寺有別院曰自在見一老人藉地
坐彷彿類父狀然相隔二十三年幾不復相識兆祥
亟叩其里氏果父也於是相抱泣偕歸時康熙丁酉
後七年而父卒

按兆祥事載中州彰善錄以
子遵善官翰林苒如其官

侯封位父母俱故有祖年八旬餘其少弟得痿疾位
與妻李氏力貧孝養其祖病弟則扶持飲食始終不厭
段景文字觀光工詩文好施與遇歲歉捐貲賑粥又
出穀數千石減價平糶遠近賴以濟丁酉舉於鄉未

仕而歿時論惜之妻陳氏亦好行善事邑東門外泥河北岸地窪每苦水漲氏捐費增培人頌其德

李起龍自其父成章母黃氏嘗以張公藝事勸勉子弟誓願同居起龍兄弟四人能遵前志五世同居無

間言

李入木廩生

段有容光祿寺典簿

欒振傑

李國安

李錫齡庠生

鄭元儒庠生

鄭含英庠生

段以獻

尚宗湯太學生

李在明

王以符庠生

王以符庠生

閻文魁

賈起龍

何兆瑞太學生

趙國璽太學生

俱以孝行稱

齊生香拾遺金還人

以上俱濟源人

路坦然字人路崇正壬午舉於鄉事繼母至孝與弟浩然同居終身撫諸姪如子少穎悟書過目不忘成就門下士甚衆

李之渙庠生器達尚氣節

國初太行山中多盜渙部勒邑子弟爲兵保護鄉里甚有紀律羣寇相戒勿犯李君境他日獸出爲賊所害侯殿邦修武庠生幼孤母病日侍湯藥衣不解帶者數年

李自強嘗以無子納妾及入門見女年甫及笄慨然曰子之有無命也吾年已老大此女何以終乎遂歸之見清河靈泉行人涉水甚苦捐資建橋三座往來德之

王上元庠生遭賊掠母往救之不避鋒刃卒致母還范興國當

國初土寇竊發糾集鄉勇協力守御有司旌其門

高應雷秉性醇謹事親至孝

范正繩字中阿天性孝友好善樂施康熙四十七年歲荒歉煮粥賑濟全活甚衆

李之焜祥生其子夢中年無嗣買妾妾入門哭泣不

已焜問故對曰妾有老姑無人奉養故悲耳焜惻然曰此孝婦也卽遣歸囑毋勿取原金

吳周郁字文軒天性醇厚少貧事父母色養備至與弟周聚甚友愛

范繼武字靖寰性忼爽惇宗誼范氏初卜塋於城南後子孫聚阡已數百年地隘有議析葬者武愕然曰此墳今日一析後世子孫必有不識祖宗墳墓者何弗就舊塋而拓之遂以已地增入十餘畝義不受價族人勒石誌其事

范珥字漢珍康熙四十七八年飢饉頻仍珥施糧三月有餘後遇歲凶珥俱施粥賑濟平政橋傾圯獨力

懷慶府志 卷三十一 人傳
興造未竟而卒修關帝廟亦未竣子源貴成之

梁淇字衛北幼失怙恃事祖母以純孝稱居家嚴肅
課子孫讀書不預戶外事與人恂恂和易無競

邱緣孔字宗聖郡庠生父爲園性友愛孔遵守父志
四世同居

范宏謨字礲三丁卯科舉人輕財好施某氏子家貧
廢書謨憐其才招與子共學一切資給之遂獲有成
嘗應試覃懷同寓四川客某病甚慨然爲延醫調治
痊後復資以道里費

王蘭父病割股以進疾旋愈

高延壽割股療母病有司上其事

趙文宗薛道桂范廷選庠生皆以義行稱

吳屏字對揚庠生父周聚以學行推重鄉里母李氏
割股愈鼻疾志俱有傳屏性孝友家貧而臨財能廉
周聚老疾臥床者數年屏盡心侍養無倦及卒哀毀
骨立聞里中有孝義節烈事必力爲表揚

薛大範字洪九力貧養親暇則勤學後以明經官中
牟訓導學官傾圯倡率紳士修葺之并葺廻車廟河
決楊橋田多沙壓勸邑宰詳豁牟民德之年八十六
卒

劉璿字信公修武附監生以孝友稱

以上俱修武人

王自義母鄭氏久病義割股以進病隨愈

王一命字令宇八齡而孤哀毀如成人稍長躬耕養
母生事死葬皆盡禮事二兄恭甚弟早逝撫遺孤若
已出當臨河觀漲有童子墮急流中衆驚愕莫敢救
急命僕援之遂得生又嘗貸金濟某急弗責償歲祲
出粟活人甚衆每誡子弟曰勢位富厚不可恃祖宗
積累不可忘孝弟忠信立身之本驕矜奢欲敗德之
階

苗馨字鬯然庠生弟慶嘗爲賊所掠馨冒死贖以歸
及慶歿養其婦終身同族有與馨忤者得罪司李欲
置之死馨力爲申救鼎革之初閭里騷然羣恃馨爲
捍衛排解焉子漸穎附監生家業故饒施與無吝色

蔡縉字允如康熙乙卯舉人仕中書侍其母病歸步
行千餘里友愛其弟無間言

主睿字作聖父庶生化鵬中年失明嘗以未得顯親
爲恨睿體父志奮勵讀書登康熙庚午賢書任四川
通江知縣居家以孝友稱

簡培初字來復庠生幼失怙恃育於季父潤事季父
如所生性坦易與人無忤子琅亦以孝友稱培初病
侍湯藥一載無隋容子于京登賢書

劉翻庠生事母孝孀母孀居事之以禮羣從二十餘
口三世同居又嘗創建義學訓課里中子弟雍正十
三年邑令徐公以學行兼優舉

王容舉悅豫安琛兄弟鬪楚爭親以孝聞

王用字君碧事繼母孝兄弟三人
人生養死葬用獨任其事性嗜學年七十餘猶日誦不輟所著有六經要義

常簡溫字素庵廩生自少以孝友聞母歿時弟簡良幼溫與其妻趙撫育之俾有成立妹子歸而夫亡爲贈養其翁姑婚娶其二子妹年屆八秩每逢春秋節序必詣墓所呼兒嫂哭泣甚哀

范廉十齡而孤事伯叔父母孝於弟妹亦友愛無間
范天相字栽者庠生嘗贖族人之女並周恤其寡妻俾母子完聚與兄遺孤析產以其美者與姪

杜存福兄弟四人父歿時弟俱幼福性勤儉家業漸裕爲諸弟娶妻使各理耕讀之業同居養母

張淳以友愛聞弟旣分居家產消乏復分給之

郭建周幼失怙祖病卒族祖景汾以棺木濟之及周長備價以償汾之子不肯受遂以金設祭景汾而哭告於祖墓一時並重其義

耙希仲庠生親歿負土成墳廬墓三年

宋之燾庠生親歿廬墓三年

李俊瑛與其弟俊璋皆孝友年踰六十侍親側如嬰兒兄弟力農弟業儒交相勸勉終身不渝

王國昇字旭之庠生善解紛一鄉中三十餘年無訟

者康熙初張村河決比屋皆傾昇有客舍納百餘人
出家穀以食餓者鄉人感其德爲分任門差至今不
改

陳光斗字近槐庠生康熙初民以積逋多流亡里分
錯雜訟獄繁興邑令彭深以爲憂訪之光斗因設法
立官莊給牛種利濟多端戶盡復業

王廷銓監生康熙四十七年歲飢銓出穀二百餘石
賑里中飢者

何大元字善長國學生以孝友聞調郵鄉里凡力所
能爲必及之每年發度歲麥糧力役數輩於十一月

朔至臘除唱籌以散無虛日康熙六十一年邑大飢

傾貲賑濟憂不能繼遂以所置園田聽貧者種蔬自
給資其口糧而不責租逋負數千金悉焚其券生平
非公事不入城市惟以讀書教子爲務其子孫皆能
繼志焉

李倫力耕服穡廣行善事里有灘田限廣濟河夏秋
載麥禾者苦之倫特建兩石橋以通往來

千耨字樂莘嘗路拾遺金三十兩訪還失主又臨流
見婦女墜河出金雇人救之

申必顯篤志好善置義學於城內延師課督成就後
學極夥

張生瑄事親孝非奉命不出戶父謨好施瑄率先捐

建育嬰堂及施棺講事以悅親心親歿獨處柩旁三年巡撫雅公旌其門

張彭齡性至孝八歲時母病朝夕不離左右母歿憑棺號慟執喪如成人及長奉養繼母服勤不倦

金雲鶴父病割股進之立愈劉家莊南遙隄北土塘寬深夏秋積水鶴捐貲修橋往來者便之

李用祥孝養其母母臨終囑之曰凡鄰鄉負我租債者我死後悉勿責償母亡後祥悉焚其券山西客以騾駕墜地騾負行李逸入用祥舍用祥訪知客還之客言囊內有五百餘金願酬以十之一固却不受

徐鈞字聞菴監生邑有無賴子竊取社倉穀事露無
可補償立券賣妻鈞聞之惻然代爲完納乾隆元年
黃沁交盜鈞拯救之功甚大觀察張公旌其門子溶
字春塘邑庠生亦以孝義稱工詩文

趙府家貧不能自給備力於清化鎮拾商人遺金二
百四十兩尋訪付還毫無德色商人感其義分與數
金固却不受

索耀常娶妻見其母女泣不忍離卽歸之創建義學
開帝廟其他善行甚夥

住得朝家貧而性癖施予積金捐修廟宇種樹木平
治木藥店街道行人德之

趙士驥嘗拾遺金十二兩訪失主還之有某姓因貧
鬻子驥爲償其值俾父子完聚

郭鉞字象九庠生八歲喪父哭泣如成人克恭厥兄
常施藥以濟人年八十與鄉飲子景玠恩貢任許州
訓導好善樂施如其父長孫所棟廩貢任鄭州訓導
事親最孝居鄉克讓業師某卒無塋地割已地以贈
乾隆十六年大水浮屍甚多雇人埋之

劉大昭字印崑篤於內行父病臥床十餘年大昭侍
奉左右手調藥餌未嘗有倦色遇兩弟友愛備至乾
隆元年有司上其事

恩賜八品頂帶享壽八十七

毛元文字瑞生父可悅順治丙戌舉人以行誼重鄉
黨授廣東司理未任卒元文中康熙甲子副榜任浙
川教諭修葺學官勸課諸生文風大振後年老乞歸
敬事寡嫂撫育猶子無不周至年八十五卒

何九治字禹功監生考授州同性至孝年十五父病
禱於神願減已算益親年父旋愈及卒哀毀骨立奉
母極盡孝養視庶出諸弟如同母鄰某久客不歸妻
殖於飢寒將改適而涕泣終日不忍去治助以薪米
而止又某父死他鄉未能歸葬治亦遺以金使反遣
骸邑初食西鹽路險遠價甚昂治借紳民力請於官
得改食蘆鹽邑人德之

毛景萇字經宗可悅曾孫年十四失怙敬事祖父孀母與幼弟景遂從師課讀復以專司家計援例入國學俾景遂專心肄業性尤好施樂善嘗恐沁水漫溢於木樂鎮蓮花池關帝廟加甬子堰居民德之事聞有司旌其門卒年六十一以景遂次子睿爲後睿兄哲弟濟俱得成名皆其教養之力也

魯東泰字穎齋事親孝好施予嘗因沁水漫溢遇浮尸出金掩埋之常身救蕭某人尤義之

宋極監生嘗施地於普濟堂又有某姓欠官穀不能給將賣妻子極見之爲代償得完聚

宋輝慷慨好義胞姪佩蘭三歲失恃撫教入庠事僕

女已嫁夫以家貧賣之輝代爲償值得完聚先是輝家貧與弟熾爲族祖極所撫恤極亡婦婦孤兒輝爲力任門戶者數十年

徐溶字春塘庠生蕭縣令大生之孫純孝性成父釣中年病癱溶侍湯藥者凡七載未嘗少懈每靜夜焚香祝天祈以身代遭繼母之虐時加撻楚身無完膚族人代爲流涕而溶怡然無怨色妻高氏與溶同受繼母撻楚迨高云亡溶尚壯年終身不再娶溶凡兩入秋闈薦而不售子峯樓舉人峯樓廩生皆篤孝行有聲庠序間

孟應掄字徵用親歿廬墓三年以木盤取土封墓倦

則寢墓旁隆冬不輟以迄墓成

邢霽凡鄉里有訟者輒諄諄勸戒訟賴以息嘗遇歲
飢買一僕臨終謂其子曰人誰不思父母吾死後俟
豐稔時可放此僕使歸養其親其樂善蓋至死不衰
云

王榮宗字仲華以義行稱某氏子幼失怙恃貧無所
依撫養成立無德色愛接名下士每欲以師事之子
二萬里監生萬書庠生皆有學行

宋賢賓字鹿鳴庠生事母至孝好善樂施年九十七
卒

李謙字吉菴父采附監生嗜古能文兼以雍正癸卯

拔貢任湖北應城知縣有監生某僕女畏責自縊其
父誣之以姦某幾陷於法謙廉得其實釋之又嘗賑
應城漢川兩邑災不假手胥役民沾實惠弟蓮中雍
正甲辰明通榜仕陝西商南知縣弟謙虞貢生候選
訓導居家以孝友稱謙次子麟書庠生三十麟瑞乾
隆丁酉舉人

古稽古監生事親孝好施與嘗買族人地十餘畝後
知其爲母膳田遂還之不索價

孫樾字蘭舟兄弟二人父母嘗先使析居樾事親敬
養備至稍有盈餘仍分給于弟繼又同居父病衣不
解帶者累旬日母歿哀毀卒

李佺監生候選州同知 劉大業字繼可國學生

苗作楨邑庠生 高爾英增廣生

高允庠生 呂際泰

王鈞字統平增廣生 柴嵩

王維鏞監生 馬向日字子雲增廣生

劉永傑 宋白正字建中

李世照庠生 劉希禹恩貢生

李九臯 秦俊生監生

秦攀鳳 俱以孝友稱

何瑾子養濤庠生 郭廷暉

王勉正

易廷生

吉大謨

李倩貢生

何大治字禹功監生

宋式良

王振倫

千大觀字顒若廩生

千肅

朱和均庠生

劉明鑑監生

黃珂

李之熙監生

何培身監生

關養體奉祀生

段士傑九品吏員

秦竣炤吏員

秦敬性

齊國泰

徐臨

孟泰來字道長太學生

俱以義行稱
上俱武陟人

以

張射斗字漢冲廩生居喪三年不飲酒茹葷嘗拾遺

金十鎰訪原主還之善書畫以壽卒

張解字春元兄斗歿于松山千里扶柩歸葬事嫂撫姪排難解紛邑人推重之任嵐岢令力請除荒糧七千餘兩民困以甦

田九三字鳳圖庠生好義輕財嘗代族人完積逋數千金族人以地償之不受與兄九二友愛甚篤兄故遺孤甫數日九三撫養周至以壽卒

趙明綱字念常登壬午鄉薦秉鐸汲縣與諸生切劘爲文章斤浮崇雅早罹鞠凶每歲遇令節忌日輒悲哀嗚咽終身不改見人無貴賤皆恂恂盡禮

王丕顯字于西五歲失恃悲號過成人事繼母無失

歡其妻趙氏化之亦盡孝厥姑設教里門訓誨懇篤
多所成就以明經老子紹孔康熙癸酉舉人以孝聞
子錫命中牟教諭亦能文

范蕙字如蘭康熙辛卯舉人以孝友稱

吳瀛字滄洲父國用瀛生有至性父故瀛年七歲哀
毀如成人任杞縣訓導時聞胞兄灑喪卽泣請縣白
府給假回籍成禮歸休後年八旬猶能歷遊山水暇
則危坐觀書史不輟素無疾一日以瞑坐逝

邢中謀字廣權性至孝因家貧牽車服賈以盡孝養
親亡後廬墓側三年飯粥飲水哀至則哭負土增墓
非甚風雨雷電未嘗恐輟邑令伍公親臨看視優以

士禮給以布帛迨其後家稍裕不吝施予以贍貧窮里人有出外經久不歸者其母憂思成疾臥不起中謀聞之乃假爲其子手書言某時可歸並寄銀若干兩其母頓愈不數月子果歸始知書與銀皆中謀所爲也其他善行多似此邑人侯冀撰邢孝子廬墓序吳泐字子崧少喪父事母孝與兄灝瀛友愛肫篤以明經爲河南司訓嘗慨世俗奢妄沈痼不悟爲喪制說以訓子孫俾毋蹈演樂禮懣惡習

王化好善樂施自其祖父來治家有法五世同居男婦八十餘口雍睦無間言雍正十年奉旌

田大有字紫峯庠生事親篤孝家雖貧甘旨不缺及

語見好書卽市之曰吾以是遺子孫勝積金遠矣所
著有祀石老人各集藏於家子受田邑庠生亦有文
名

王天福其鄉貫莫考順治初漂流大河之南武生原
混於途中納爲僕原後爲睢陽壽軍官天福隨任數
載及解任奴皆散去天福獨留原家故貧性且嚴急
僕於飢寒之下嘗受鞭撻或勸之去不聽原漸老二
子相繼亡事主益謹有以主老乏嗣言者天福凄然
淚下曰主無子我卽其子非不欲去也義不可耳嘗
備工於外以貲奉原原故天福悲甚如喪所生營葬

殺當依墓所

張蕙庠生

張芳聞

劉世選

李士傑

王者輔

鄭士仁

俱以孝行稱

張秉廉

趙子命

俱割股療親

張養沖

周謨

鄭成章庠生

郭光先

王延齡監生

張廷諫監生

鄭文煥

衛文顯

鄭惠

鄭景祥庠生

俱以義行稱

張亨泰

王寬

王路

侯大成

俱拾遺金邊人
以上俱溫縣人

殷乾庠生家貧業農順治間有宦僕遺金帛於道乾歸自田間捨棄之宦僕誣訟遊旅入乾往白之封識依然

劉式宗庠生母卒廬墓哀至則與逾三年竟死墓所鄉人皆哀之

張炳煜習商買業每積居獲息輒多所施予早喪父奉母僑居祥符家素裕適季父攜家避荒就食炳煜傾囊資之乾隆四年開封大水煜携金約貧者於佛寺廟之患平乃止其子繼行事親孝篤義有父風事

載中州彭善錄

以上俱孟縣人

胡公緒原武參政希舜之曾孫父崇震十歲工詩胸
次曠達有不可一世之概明季寇擾原邑震潛出屬
城將以才辨求援他郡中途爲仇家所殺追

本朝定亂公緒廉得其父見殺狀訴於官仇服法人稱
其孝

孫加楨性慷慨康熙二十二年飢加楨出銀助賑郭
東舊有漏澤園地九畝業經出售加楨出金贖之而
歲納其租

薛士奇字脫凡庠生父理陽將卒命士奇曰縣學明
倫堂若曾大父時所捐修也今又圯爾其嗣我志乎
後士奇遂力任倡修事性謹愿事繼祖母張氏以孝

薛庠生薛震其遠族也家貧病死士奇收其孀孤給薪米歷三十年如一日

高鳴陞庠生兄鳴鳳緣事繫官鳴陞盡鬻所分產爲兄營贖始得脫家遂貧教授生徒以自給不干外事人皆重之

薛萃芳庠生十歲失怙恃繼母師氏性嚴厲萃芳順志承顏歲飢竭歷奉養勉致甘旨時傳爲孝童云

高蕙芳性至孝母王氏病臥三載蕙芳親奉湯藥始終無懈志

唐應芬母李氏性厭醫藥及疾應芬婉曲勸進終不服應芬爲七日不食妻郭氏晝夜祈禱割股進食母

懷慶府志 卷二十二 人物 八 病尋愈

張堯典有氣節明季寇渠某逼爲謀主堯典曰身係良民頭可斷決不汝從賊義之釋還

薛珪字兩玉廩生性孝友年六十餘鬚髮皓然時於母前作嬰兒嬉戲狀兄增司訓武安卒於署時值河患珪聞訃奮不顧家星夜馳臨攜其寡嫂孤姪歸

安繼勲監生十歲喪父哀毀如成人事母至孝性慷慨好施母卒苦塊柩側朝夕哀動閭里旣葬廬墓三年

高遐譽母閻氏遭火焚十指脫遐譽親捧飲食日代

節沐終身不解以上俱

時吉士廩生父陳偉監察御史卒於官嫡母待吉士
生母賈虐士每躬代勞苦嫡母禁之士號泣不食幾
死嫡母感動待其母加厚後賈卒哀毀骨立欲守三
年制時嫡母在堂生母無丁憂例邑令安嘉其孝請
諸督學適部議庶子爲生母丁憂文下遂得終制
費芳玉芳金性孝友崇正季年歲祲逃亡過半會父
病芳玉兄弟忍飢守視備湯藥父病得痊母張氏患
癰病動輒需人兄弟負以周旋手奉飲食者三十四
年同居共爨終身無間芳金子璿理孝友亦有父風
楊又震字闢西廩生父病震遠求醫宿空宅中震念
父不能寐初見一婦人抱嬰兒至見震疾趨避之又

鬼子老親肩負物探望若欲前不敢狀震意爲宅中
人已起天將明矣呼醫同行實則夜未央也爲述其
事醫言宅無人居當是鬼物感君純孝不敢祟耳後
父母歿撫二弱弟成立終身不異爨生平學宗程朱
淹貫經史

王拱極庠生用中子撫孤姪如己子子侗早逝遺孫
永祚聘游省邦女因喪明省邦將謝姻事極曰吾孫
若失明爾女可更適乎卒娶之

馬世名字新圖順治二年舉茂才署杞縣訓導有疏
族子以貧甚欲逃他鄉世名給田並牛具安置之復
有疏族以罪繫獄當死家貧八口嗷嗷待斃世益

周洽三年琪遂遇赦復得完聚

宋大州母疾籲天乞以身代與梟析居讓田數頃值歲大稔助衣食掩暴骼里人德之

王紹素庠生性孝友父亡後兄弟友愛終身無間有耿李二姓爭墓田素出已所卜吉壤與之訟遂息卒祀鄉賢

劉敬躋字聖功庠生爲堂叔償逋負百金復迎歸奉養終身友人夏某三喪未舉踵門求助敬躋卽允其請設立義塾多所成就壽七十九歲卒

張士恒字月如母早亡事父以孝聞父性好施予恒先意承志其妻孟氏亦能佐之父卒晝夜涕泣不入

肉者三年以哀毀卒

程希聖八歲父母亡兄希元移居原武聖獨力營運三十歲積金千兩請兄歸家時元誤犯原武鹽法解往天津聖鳴於官遂得釋歸與兄同處終身

張尊性字西銘庠生爲人篤實長垣人朱貴宇在陽武賣書爲業病故妻子無依將行乞性以衣食給之其子稍長爲之婚娶遂克成家遠族業有地四頃餘爲河浸不堪耕種逋賦累累舉家逃亡性賣已田爲代償巡撫雅公旌其門

王永年庠生慷慨好義有牟民客死年爲市棺令得歸葬邑人死後貧不能具棺者年皆代爲殮子章

邑庠生性孝友有父風

李如璧性坦直有邑人吳甲質地得金被酒遺失璧拾得之卽以還吳吳願以半爲謝堅却不受故友武陟張悅一子家貧不能娶璧竭力助之後悅子成立來償所助亦不受年八十三而終

樊振凡字斗南父歿與兄同居敬如嚴師兄亡事寡嫂益謹族嬖老而無依養之終身

王元諮字公延紹素子兄弟同居六十餘年設立義塾教同鄉子弟多所成就戊子年飢煮粥以賑貧窮其老幼不能就食者每人日與雜糧二升又施地作漏澤園乾隆六年祀忠義祠

苗芸家貧性至孝傭工養母嘗於祖基掘地得白銀
分諸同伴周克順張大周苗文贊三人以芸自得之
不肯受芸曰克順有父喪未葬大周有老母待養此
拾來之物我豈可獨取相讓者久之卒分焉巡撫尹
公旌其門

張士標字準公父母歿柩未葬值黃河漲溢廬舍盡
淹士標夫婦相泣曰吾安忍逃去而棄親柩于水中
也乃設蓆棚夫婦相守兩旬柩得無恙後登雍正甲
辰科賢書

靳悅字坦庵未成童人與以美好之物必進父母後
其父華袞病悅晝夜侍藥餌者二載父故悅哀毀體

立淚盡繼血三年不入私室母歿亦如之每於木主前飲食必供數十年無間邑侯旌其門壽八十九而卒

呂文世業農父淵出外久不歸文年十四遍訪數年後得骸骨於許州負之歸葬學正孫用正爲之立傳見藝文

李耀彩庠生事繼母孝其叔早亡遺孤幼有利其家貧者耀彩爲之捍禦卒致成立輝縣庠生某以困窮變姓名夫婦傭工於其家耀彩知之遂課其子年八十四終

梁瑛庠生康熙二十九年歲飢瑛捐穀百石巡撫閩

公旌其門

馬蘊生庠生康熙二十九年歲大飢蘊生輸粟五十石助賑後享高年膺鄉飲介賓邑令旌其門

張愈大字茂宏庠生叔亡無子愈大書其家產訪擇繼嗣付之織悉無私

王廷鈺字其相元謫子庚戌歲邑大飢村人不舉火者鈺皆捐廩積以活之太平鎮南地勢卑下行人病涉鈺雇工修墊百十餘丈巡撫雅公旌其門

張韜監生孝友樂善康熙辛丑壬寅間黃水漂沒郵墟穀價昂騰韜施雜糧百餘石以濟貧困凡病死無依者施棺衾不可以數計巡撫雅公旌其門

孫秉璋以義行稱

張國鑑庠生

張 玠庠生

李大受歲貢生

李喬林庠生

盧 彤太學生

劉敷文庠生

俱以孝義稱
以上俱陽

武人

懷慶府志卷之二十二

人物志

隱逸

漢

四皓者皆河內軹人也或在汲一日東園公二日白
里先生三日綺里季四日夏黃公皆潔已修道非義
不動秦始皇時見秦政虐乃退入藍田山作紫芝歌
及秦敗漢高聞而徵之不至

皇甫謐高士傳 數高
士傳前人以爲僞託之

書然舊志相

沿已久仍之

野王二老不知何許人也初光武貳於更始會關中
亂遣鄧禹西征送之於道旣反因於野王獵路見二

老者卽禽光武問曰禽何向並舉手西向言此中多
虎臣每卽禽虎亦卽臣大王勿往也光武曰苟有其
備虎亦何患父曰何大王之謬也昔湯卽桀於鳴條
而大城於亳武王亦卽紂於牧野而大城於剌廓彼
二王者其備非不深也是以卽人者人亦卽之雖有
其備庸可忽乎光武悟其旨顧左右曰此隱者也將
用之辭而去莫知所在

後漢逸
民列傳

晉

郭文字文舉河內軹人少愛山水尚嘉遯年十三每
遊山林彌旬忘返父母終服畢不娶洛陽陷乃步擔
人吳興餘杭大辟山中窮谷無人之地而居焉時益

獸爲暴入室害人而文獨宿十餘年卒無患害王導
聞其名迎置西園溫嶠嘗向文曰飢而思食壯而思
室自然之性先生獨無情乎文曰思猶憶生不憶故
無情又問曰獨處窮山若疾病遭命則爲烏鳥所食
顧不酷乎文曰藏埋者爲螻蟻所食復何異乎又問
曰猛獸害人人之所畏而先生獨不畏耶文曰人無
害獸之心獸亦不害人居導園七年忽逃歸臨安結
廬於山臨安令萬寵迎至縣中及蘇峻反破餘杭而
臨安獨全人皆異之病甚不食二十餘日寵問曰先
生復可得幾日文三舉手果以十五日終

晉書隱
逸傳

唐

盧仝居東都韓愈爲河南令愛其詩厚禮之仝自號

玉川子嘗作月蝕詩譏切元和逆黨愈稱其工後宿

王涯第與甘露之難

唐書附昌黎本傳

舊志稱仝有集四卷

又撰春秋摘微四卷愈贈詩有春秋三傳束高閣獨

抱遺經究始終之句宋許顛曰玉川子春秋傳余家

舊有之詞簡而遠得聖人之意爲多後世有濂於經

而見盧傳者當知退之之不妄許人也

按唐書不云何地人而府舊志及省縣新舊志皆入濟源人物固重其高致且玉川故蹟在濟詩文

可証也今首列史傳不敢臆增鄉貫而收諸本郡隱逸庶幾得之

李愿韓昌黎有送歸盤谷序

按郡縣舊志皆以愿爲西平王之子或人人物列

傳或入疏鳩傳不難乎昌黎

自西平立功時卽拜上柱國屢秉節鉞而終由興
元迄長慶四十餘年間愿無日不居責盛史罔無
歸隱一字韓作此無病呻吟之語抑何謂耶可見
唐時別有濟源李愿史失其傳幸托大儒文章已
足表揚高蹈志諸隱逸位置相當吳門陳少宰韓
集點勘亦云同時有兩李愿一隱盤谷一爲西平
王晟子今以韓序及和盧郎中送盤谷子歲月考
之李愿事迹自明序作於貞元十七年西平子時
方爲宿衛將至和盧詩則元和七年也西
平子方官節度使皆見唐史並無栖隱事

宋

張延嘉懷州河內人讀書不願仕州上其行賜號嵩

山處士

宋史張
旨傳

元

馬景道河內人隱居教授徵拜國子助教陝西行省

提學皆不就

元史

孔信魯族也宋時有曰琛者仕懷州防禦使因家於懷其孫秀第進士爲河陽令復徙居孟州生二子次子文叔有文武才金源之季從岐王南征有功至大官信之父也信敦厚明敏讀書博覽深晦不仕以閒居自娛嘗曰吾宗祖不知幾何人或顯或晦豈非前定耶亦各有其道可以自信焉人生不滿百使鄉里稱善人足矣與妻陳躬耕隴畝以終有子四皆守先

業隱而不曜

元皇甫氏撰
孔氏先塋碑

明

申燦字闇然年少卽補弟子員不樂仕進以教授生徒爲業遭寇變攜家避沁水之南仍率諸生講誦不

詩題工詩對景揮毫即席拈韻時流慕其高逸

國朝

趙明遠字虛白原武人父馴孟縣教諭明遠崇正甲戌進士性沉靜寡言語初授盧龍調令南和南和素困賦役明遠蠶羨金省俵馬諸爲民累者皆以次革除鄰邑有富生殺嫡獄每讞輒輦金自免直指悉明遠廉明委斷斯獄大力者欲以賄進明遠嚴拒卒抵於法膺薦入爲戶部員外郎以內艱歸未幾流寇陷北京迫入

國朝撫按奉

詔以遺逸徵明遠謝病閉門掃軌讀書課子歲儉煮粥賑

飢多所全活年七十六卒著有世德堂集雍正九年

祀忠義祠

韓暄字冀州孟諸生有孝行甲申春逆闖襲懷慶據之出示安撫書所僭年號暄以事將入城至郭門望見慟哭而歸聞京師陷爲文以祭北向痛哭取衣巾焚之從此遷居太行玉屋之下轉徙鞏洛間教授自給雖至親不得一見

程德化字羲賓孟歲貢生幼有夙契以己意解經往往與先儒合長益窮經一日讀左氏民受天地之中以生忽悟天有九重作儀象說等天圖說散說諸篇其時西洋利馬竇之說未行德化與之暗合崇正關

嘗爲十二策欲卜於朝所知以言多觸忌沮之甲申
春聞流寇陷京師乃與同學斬衰哭於上生寺三月
乃除服迨流寇破城德化衣寇端坐賊臨以刃不動
縛之曳投廁中賊去得不死

國朝定亂額手曰天下太平矣屏跡城市十餘年卒

鍾曰十字爾知其先家江西新喻後遷爲河內人生
而篤實七歲就塾師卽知攻苦力學家貧親老無以
爲養設館教生徒以供甘旨遭母喪哀毀過禮拮据
以營葬事服闋乃奉厥父渡河而南居偃師之纒氏
山下讀書講道從遊者日衆聞容城孫徵君倡道蘇
門遂棄舉子業徒步從受學得聞身心性命之旨朕

然至忘寢食徵君既考終復還緱山營構數椽題曰
存心齋讀書其間已而設帳釣臺手錄楊誠齋易傳
一部朝夕潛玩寒暑靡懈與從學諸弟子講論孝經
發揮孔門仁孝之旨著有存心齋詩文十一卷學者

稱爲爾知鍾子

採登封耿介中州道
學編並自著譜系

喬騰鳳字遙集孟人七歲聞人讀嚴光傳忽曰吾他

日躡其後長嗜周秦兩漢書孜孜若不及崇正初亂

形已露每慨然曰讀書期爲有用之學於是顏所居

曰犖觀積圖書數千卷靡不探厥精奧歸於實用所

爲詩文博大奧衍不名一家人鮮識者王子房合河

內深加嗟賞趣應王午試舉於鄉值流寇益熾朝事

益紛迺絕意仕進喜與朋好酒酣夜觀象曰尾箕之間析木之虛聖人出矣甲申冬接讀

國朝恩詔喜曰重見青天白日庶能遂見時志耳從此

優游里黨躬耕讀書著耕樂堂詩文集年幾九十卒

採家傳

志銘

薛宗周字會益原武庠生天性孝友篤學力行遭明季寇變冒死衛親卒免於難家業盡讓兩弟隱居教授五十餘年

流寓

周

呂望嘗屠牛於朝歌賣飯於孟津

史記索隱引譙周語按昔之孟津

今之孟縣

管夷吾穎上人嘗以貧困隱修武姚賈曰管仲其鄙

之賈人也南陽之傲幽魯之免囚桓公用之而霸修

武南陽也

戰國策

韓起徙居州

起謚宣子見史記

漢

晁錯穎川人學申商刑名於軹張恢所與宋孟及劉

禮同師

漢書本傳

魏

嵇康字叔夜譙國銓人有奇才學不師授長好老莊

所與神交者惟陳畱阮籍河內山濤豫其流者河內

向秀清國劉伶籍兒子咸眼郡士戎爲竹林之遊世
所謂竹林七賢也戎自謂與康居山陽二十年未嘗
見其喜慍之色

晉書
本傳

阮籍字嗣宗陳留尉氏人任性不羈或閉戶視書累
月不出或登臨山水經日忘歸本有濟世志屬天下
多故遂酣飲爲常作詠懷詩八十餘篇爲世所重

晉 按稽阮二公卒於魏代故陳壽志書附見仲宣傳
後今雖事採與午而名列當塗不敢踵謬沿謬也

王戎字濬冲琅琊臨沂人少阮籍二十歲而籍與之
交襲父爵歷遷豫州刺史進爵安豐縣侯嘗經黃公
酒壚下過顧爲後車客曰吾昔與嵇叔夜阮嗣宗酣

飲于此竹林之遊亦預其末自嵇阮云亡吾便爲時

所羈縲今日視之雖近邈若山

河晉書本傳

阮咸字仲容任達不拘與叔父籍爲竹林之遊

本傳

劉伶字伯倫沛國人也放情肆志與阮籍相遇欣然

神解攜手入林

本傳

呂安字仲悌東平人服嵇康高致每一相思千里命

駕嘗寓居山陽向秀思舊賦序云與嵇康呂安居止

接近又賦云經山陽之舊居踐二子之遺跡

向秀傳

公孫宏譙人少孤貧客於河陽善鼓琴頗屬文潘岳

爲河陽令愛其才藝待之甚厚後爲楚王瑋長史時

岳爲楊駿綱紀當從坐宏言之得免

潘岳傳

樂廣字彥輔清陽人父芳早卒廣橋居山陽寒素爲

業人無知者

本傳

隋

楊守素懷王之裔高祖卽位懷王懇請歸政帝賜懷
東沃衍之田二十畝自是家焉素性醇篤樂道好學
不求仕進又明醫奉親儲峙賑貧鄉里感之靡不流

涕

按舊縣志云隋書並無懷王且隋享國未久藩封
之胄非子則孫不應稱裔是固然矣今請更進一
解志云唐高卽位懷王懇請歸政則吳宗室之柄
臣故當禪代之際而引避也若處嫌疑以行參夷
之禍若承優禮亦非十畝可封核諸隋唐紀傳並
無姓氏踪跡相似者第以慕存水寨志乘互沿聊
復載之未可云信而有徵矣

唐

狄仁傑授并州法曹參軍將赴并親在河陽登太行山反顧見白雲孤飛謂左右曰吾親舍在其下瞻依久之雲移乃去

唐書本傳

李元淳隴西燉煌人祖父俱葬河陽太平鄉高端岡元淳以功封祁連郡正累官河陽三城懷州節度使

卒後歸葬先塋兆域

潘孟陽墓志

杜僑京兆人爲懷州長史棄官老沁水上卒葬懷州

武陵

按僑爲正倫孫名載宰相世系表縣志作漢杜喬悞矣

魏萬居王屋山後名灝上元初登第遇李白於廣陵

白曰子後必著大名於天下因盡出其文命集之其

還王屋山也白爲之序稱其愛文好古

全唐詩話

按唐書無萬傳詩話亦未詳著籍然李白贈詩曰仙人東方生又曰木家聊攝城又曰采秀臥王屋則爲王屋寓公不爽矣

柳鎮河東人宗元之父天寶末遇亂奉母隱王屋山常閒行求養後徙於吳肅宗平賊鎮上書言事擢左

衛率府兵曹參軍終侍御史

柳宗元傳

韋况京兆萬年人少隱王屋山孔述睿稱之薦爲右

拾遺不拜未幾以起居郎召半歲輒棄官去元和初

授諫議大夫數月乞骸骨以太子左庶子致仕况

世貴而冲遠不爲聲利所遷當時重其風操

本傳

石洪字瘠川其先姓烏石蘭後獨以石爲氏有至行
舉明經爲黃州錄事參軍罷歸東郡十餘年隱居不
出烏重胤鎮河陽求賢者以自重或薦洪乃具書幣
邀辟洪亦謂重胤知己故欣然戒行重胤喜其至禮
之後詔書召爲昭應尉集賢校理

烏重胤傳

按郡縣舊志俱未載石洪惟一統志編入人物
云河陽人然考之唐書似應收諸流寓爲得

蕭俛字思謙貞元中及進士第任至太子太傅開成
初弟俛爲楚州刺史召見帝曰俛先帝賢宰相筋力
未衰尚可一來爾善道朕意乃以詔書并絹二百因
俛致之俛終不起家於洛歲時賓客請謝以爲煩乃

舍濟源墅自放山野優游窮年

本傳

五代

何澤廣州人少好學長於歌詩舉進士爲洛陽令莊宗好畋獵澤叩馬諫莊宗爲之罷獵明宗時數上書言事後以太僕卿致仕居於河陽

五代史

桑維翰河南人進士及第晉高祖辟爲河陽節度掌

書記因家河陽今桑家坡是

舊志

宋

杜衍字世昌會稽人往來孟洛間貧甚傭書以自給

客濟源濟源富民相里氏奇之妻以女

舊志

文彥博字寬夫介休人父介公名昇爲白波發運使潞公爲子弟讀書於孔目官張望家望嘗爲舉子頗

知書潞公少年好遊令公惟責之潞公久不敢歸張
望白令公曰郎君在某家學問益勤苦不復遊矣因
出路公文數百篇令公爲之喜公後出入將相張望

尚無恙

舊志

邵雍字康節築室百源之上李挺之東方大儒也權
共城令一見康節心相契授以大學挺之去爲河陽
司戶曹康節亦從之寓州學甚貧以飲食之油貯登
讀書一日有將校自京師出代者至河陽見康節曰
誰苦學如秀才者以紙百幅筆十枝爲獻康節辭而

後受

舊志

龔大壯瀛州人少有重名清介自立從兄夬官河陽

曾布欲見之不可得乃往謁夫邀之出從容竟日題

壁間有得之兩龔之語

宋史本傳

韓忠彥字師璞琦之子以觀文殿大學士知大名府

降大中大夫懷州居住

本傳

陳堯叟字唐夫先世閬中人父省華爲濟源令堯叟

與弟堯佐堯咨讀書濟之延慶寺

沈志

按郡志舊志俱云三陳公先世本閬中人父省華爲濟令因家焉通志亦同今考宋史載省華官績頗詳獨不言爲濟令以司馬溫公碑記証之可補宋史之缺矣但記止言省華爲濟令縣西龍潭有延慶佛舍三子相與爲學其中旣而相繼登甲科初不言家於濟也碑記載四世七人或判河陽或爲京西轉運副使以濟源爲河陽之屬縣河陽爲京西之屬郡故言濟源之民被陳氏之政爲多也七人內惟堯佐之孫知素復爲濟源尉耳而通志並言省華爲令惠及黎庶子堯叟堯佐堯咨相繼

治濟源因立四合祠不知祠係堯佐之孫知儉行
部濟源過龍潭佛舍得見善政銘及其宗賜詩題
名刻石感曾祖父之得民三祖父之力學故構祠
畫像使其子孫至者有所瞻奉未嘗言世爲濟令
也其言令者記載省華贈中書令堯叟兄弟三人
皆贈爲尚書令兼中書令故耳今合宋史與碑記
互相參考則省華之官於濟堯叟兄弟之學於濟
而非家於濟及其爲仕之統繫夫濟而非令於濟
俱聯然矣

徐季東海人徙居河陽習武事靖康中許鄭安撫破

敵有功

舊志

金

鮮于溥字彥仁蔚州人父坦以門資仕終於櫟陽令

濟源盤谷天壤佳處坦父子居其間飲酒賦詩翛然

塵垢之外至今人以高士目之弟彥魯子忠厚

中州集

郝經字伯常山西陵川人金末父思溫避地魯山世祖在濟邸召見與語大悅及卽位以經爲翰林侍讀學士奉使告卽位於宋且徵請和之議既至賈似道館之於儀真拘留十六年始歸卒葬孟縣西郭門外其家集云世祖賜第在懷孟賜田在河陽因以爲家

元史本傳

李俊民字用章澤州人得河南程氏之學金承安中舉進士第一授翰林未幾棄官去以所學教授鄉里金源南遷隱於崇山後徙懷州世祖以安車召至資訪無虛日遽乞還及卒賜諡莊靜先生

本傳

趙良弼字輔之女直人明敏多智畧至元中仕至簽
書樞密院事屢以疾辭得旨居懷孟良弼別業在溫
縣故有地三千畝乃析爲二六與懷州四與孟州皆
永隸廟學以贍生徒卒封韓國公諡文正

本傳

王磐字文炳廣平永年人世業農父禧金人遷汴舉
家渡河磐年方冠從麻九疇學於郟城客居貧甚日
作糜一器晝爲朝暮食至大四年擢進士第授歸德
錄事判官不赴及河南被兵磐又寓河內世祖召拜
翰林直學士遷資政大夫卒封洛國公諡文忠

本傳

宋術字宏道潞州長子人善記誦屏居河內者十有
五年趙璧經畧河南聞其名禮聘之擢翰林修撰仕

至秘書監至元二十三年卒有桓山集十卷

本傳

吳文卿潁川人客居濟源至正辛卯間妖賊半坡周等虎據覃懷文卿贊襄總兵招義兵萬餘人討平之上以忠義旌之授中書省參政

舊志

張魯輝其先平陰人博通五經元末徙居陽武時值兵亂隱居教授人稱曰張夫子

舊志

明

楊立山東邾城人從父宦遊江南父卒奉母居覃懷家貧授徒以供母母卒哀毀廬墓三年後之江南求祖父柩之山東求祖母柩親葬之匍匐不憚勞苦人

稱爲孝子云

舊志

黃忠大同舉人歷官陝西參政妻亡不再娶天順間

卜居於懷四子芸負詩名中成化乙酉科山西解元

授金華府同知子姓俱占籍河內

舊志

吳維浙江平陽人中應天鄉試成化間任溫縣教諭
終老於河內平居謙以自牧嚴以訓子子道寧孫守

中俱登進士

舊志

謝榛字茂秦臨清州人以詩著嘉靖間初遊河內寓
何文定家後又寓河內劉涇孟縣劉思問家在懷賦

詩百首

舊志

李道人山西高平人弱冠時因母病登天壇舍身崖

舍身以祈其愈母病既痊遂結菴山中

事詳都穆遊王屋山記

魯宗孔字璧山德平人明季以大司馬陳新甲薦與和議之役銜命關東新甲得罪死宗孔戍懷懷陷於闖僞將欲官之不可聞大兵南下說僞都尉給琴寇出郡圍戒門以過使不得逞寇去大兵不卽至伏莽且起宗孔率二三舊弁誓酒嬰城民恃以無恐及大兵駐懷主者分部近郊市肆不擾初署守河北道後歷陞臨洮總兵

王信陝西榆林人歷仕福建總兵官都督僉事寄籍於溫

韓生陽字泰復陳畱人先世移居陽武中順治甲午

舉人不謁選亦高尚者流也

張毓秀字楚暉其先平邱人徙居陽武以經學教授
委贄者屢滿戶外中康熙癸丑進士講學大梁書院
甘談泊絕干謁優游林泉卒葬陽武後人因家焉

藝術

漢

許負河內溫人善相人周亞夫爲河內守時負相之
曰君後三歲而侯侯八歲而將相持國柄貴重矣於
人臣無兩後九年而餓死指其口曰有從理入口此
餓死法也居三歲亞夫爲條侯景帝時以太尉擊吳
楚遷爲丞相以子事連汗召詣廷尉不食五日而死

漢書 又考應劭曰負河內老嫗也
楚漢春秋高祖封負爲鳴嶋亭侯

張奉字公先河內人

見真靈
信業圖

南北朝

慧永河內潘氏事沙門竺曇現初集禪於恒山與遠
師同依安法師期結字羅浮及遠師爲安公所留師
乃欲先度五嶺太和初至潯陽刺史陶範素挹道風
乃留築廬山舍宅爲西林以奉師布衣蔬食清心克
已容嘗含笑語不傷物峯頂別立茅室時往禪息至
其室者嘗聞異香因號香谷一虎同居人至輒驅去
遠師之來龍泉桓伊爲立東林三十年影不出山師
居西林亦如之義熙十年在病忽歛衣求屣欲起衆

驚問師曰佛來也言終而化異香七日方歇

見蓮社高賢傳

馮懷河內人工於法術

傳志

解法選河內人明相術又受易於權會筮亦頗工東郡袁淑德不願之官以親老言於執政楊愔愔語云既非正除尋當遣代淑德意欲留其家在京令法選占云不踰三年得代然亦終不還也勸其携家而行又爲淑德相云公毋悒當終爲吏部尚書後皆如言

北史

馬嗣明河內野王人博綜經方爲人診候一年前知其死生邢邵子大寶患傷寒嗣明爲之診脉退告楊愔云邢公子傷寒不療自瘥然脉候不出一年便死

覺之少晚不可治也後數日楊邢並侍讌內殿文宣云邢子才見我欲乞其隨近一郡楊以年少未合剖符讌罷奏曰馬嗣明稱大寶脈惡一年內恐死若其出郡醫藥難求遂寢大寶未期而卒

北史

張子信河內人頗涉文學少以醫術知名隱白鹿山大寧中徵爲尚藥典御武平初又以大中大夫徵聽其所志還山又善易筮及風角之術武衛奚永洛與子信對坐有鵲鳴庭樹鬪而墜焉子信曰鵲言不善向夕當有風從西南來歷此樹拂堂角則有口舌事今夜有人喚必不得往雖勅亦以疾辭子信去後果有風如其言是夜琅琊王五使切召永洛且云勅

喚承洛欲起其妻苦畱之稱墜馬折腰不堪動詰朝而難作乃免

北史

慧思姓李氏修武人以大小乘定慧等法根引喻俾習慈忍行奉菩薩三聚戒衣服率用布寒則加以艾齊天保中駐錫光山縣靜居山梵天院

舊志

唐

道信大師姓司馬氏世居河內後徙蘄州廣濟生而超異幼慕空門隋大業間嘗於吉州值羣盜圍城民皆惶怖大師頌經咒賊卽去唐太宗詔赴京師上表遜謝前後三返竟以疾辭至高宗永徽辛亥歲端坐

而逝

舊志

駱山人濟源人長慶元年王庭奏使河陽回及沈水

酒困寢於道山人熟視之曰貴當列土在今年秋旣

歸遇田宏正之難軍士擁爲畱後訪山人待以函丈

之禮乃別構一亭去則懸榻號駱氏亭

見唐年譜

按唐書王庭奏傳嘗使河陽醉寢於路有過其所者視之曰非常人也從者以告庭奏馳及之間其故曰吾見君鼻之息左若龍右若虎子孫當王百年家有大樹覆及堂公興矣及害宏正而樹適覆寢其卽此人否耶然宏正之難亂由庭奏謂遇宏正之難則非也而所謂唐年譜者亦無考

司馬承正字子微溫人博學能文事潘師正得辟穀

導引之術睿宗召問其術對曰爲道日損損之又損

以至於無爲帝曰理身則爾理國若何對曰國猶身

也游心於澹合氣於漠順物自然而無所私則天下

理帝嘆曰此廣成子之言也錫以寶琴文帔還之開

元中元宗召於王屋山置壇屋以居之善篆隸帝命

以三體寫老子刊文正句卒年八十有九諡貞一先生

按唐史本列於隱逸傳且云承正等語言詭譎似方士掇之不錄直取其隱槩爾可謂有史識矣今一以史書爲宗舊志蟬蛻之語未能附會也又舊志所載萬華真人則不經已甚蓋睿宗九女爲金仙公主非玉真也玉真則第十女矣玉真雖與金仙俱請爲女道士而薨於寶應中無所謂白日飛昇也第以曾來王屋受籙設祠羽流遂構虛文以欺贖替因錄承正傳辨而刪之

謝景修懷州人平生虔奉真武其兄景元酗酒好博

以真武像棄之井中時景修客京師見於夢及歸索

之井水忽作琥珀色芬芳襲人取而飲之升空仙去

知州事馬詢上其事於朝勅爲建廟并護井民間疾

病許汲救治賜名曰聖水

採明正德間重修碑記

按聖水觀今在郡城南街卽景修故宅又郡城府治東南有舉仙橋亦其遺跡

張贊河陽人工畫佛道人物洛陽有寺壁

見畫圖見聞志

荆浩河內沁水人博雅好古善畫山水撰山水訣一

卷隱於太行之洪谷嘗自稱洪谷子語人口吳道子

畫山水有筆而無墨項容有墨而無筆吾嘗採二子

之所長成一家之體關仝北面事之有四時山川三

峯桃源天台等圖傳於世

宋

郭熙字淳夫河陽溫人學李成善得烟雲出沒峯巒

隱顯之態嘗論畫山曰春山淡冶而如笑夏山蒼翠

而如滴秋山明淨而如粧冬山慘澹而如睡熙爲御
書院待詔其子思元豐五年進士徽猷閣待制追述
其父遺跡事實撰爲林泉高致集一卷上之

馮贖河內人工山水體制不類前人馳名於熙豐間
其筆墨蒼老峯巒秀潤號爲難及

張舉懷州人工畫山水其性不羈好飲酒日遊市肆
作鼓板社每得畫資必盡於此尤長濺撲

趙林字子安懷州人李士舉提刑家有所畫不凋圖
步驟營邱

李獻河內人長於鷹鵠精神態度曲盡其妙世所作
多搏搦狐兔鳧鷺之屬流血淋漓獻盡返之其畫鷹

貌甚開曠而不失英姿勁氣

縣志作李欽

李祐河內人工畫花竹翎毛

牛穢字受祐河內人師劉永年工畫翎毛筆墨縱放不拘常格

李唐字稀古河陽三城人徽宗朝補入畫院建炎間太尉邵澗薦之授成忠郎畫院待詔賜金帶時年近八十善畫山水人物筆意不衰尤工畫牛高宗猶愛之嘗題長夏江村卷上曰李唐可比唐李思訓

李迪河陽人宣和間任職畫院授成忠郎紹興間擢院副使賜金帶歷事孝光朝工畫花鳥草蟲竹石人

物

李德茂廼之後善畫花禽鷹鷂野景淳祐待詔

已上
盛見

書畫

譜

明

楊養拙溫人以同人張允齋素好道引一小童投之
語甚洽遂畱寓焉每夜兀坐無所事初來不識一字
坐幾二年無晝不解允齋益神之一日引小童南渡
離滎陽十里許訪其家言借住院後主人出驚曰昨
夜夢明日午後有神仙降業酒掃以待養拙賦一詩
俾送滎陽縣尹是夜端坐以逝縣尹來令卽葬於遊
處

田守忠濟源人萬歷間棄妻子學道於金爐山得舍

身磨性之術乃携木毬二圓白畫自山下踢鞠於上
夜則鄰於下崩崖歌樹中必摸索得毬乃已常裸程
佯狂於市人呼曰田瘋子一日辭衆自言某日當仙
遊至期果然

蕭永吉 邑庠生博學工詩畫畫竹尤佳書法瘦硬
時號書虎

牛存喜字女吉河內人聰穎多藝天寧寺碑在階墀
或命移置閣簷下碑高與簷齊役者數百人皆難之
乃召喜喜給衆歸食食後與我會寺門下比衆至
與僧人數輩以機法歸挽閣下矣邑令袁公鑿渠山
春下三年不成喜以意爲穿地尋龍法知其參差幾

許又爲量山探水法使兩端高下悉均渠遂成邑人
以喜配享袁公祠祀之

周萬書字鶴臺武陟人性高潔工篆隸尤善畫時有
朱夢豸書法入妙江以通判石極精稱三絕云後有
有雲中鶴字萬九亦兼工書畫

李星井字聚東溫人善六壬奇門梅花諸數嘗賣卜
河陽一日晨起立郭門下啟關遇一人前揖曰我欲
有請也井曰失驢乎其人愕然井曰歸矣驢已繫門
內及歸家而果然則大喜復來謝因問君何以知我
失驢耶曰汝問時適有牽馬馳門扇而過者是非驢
乎然則何以知在門內也曰子方問而馬已入門故

知之其奇中多類此

閻謙字少用歲貢生山西按察司使副使那寧次子
穎敏博學精通方脈有著書數種燬於兵火邑父老
嘗傳其藝之神今醫家訪拾殘簡試之屢應

崔來富字鳳山濟源人以栢醫授鄭藩引禮居常丸
藥以類置各櫃中論其聚人有求者問疾啟櫃以應
井不及其姓名適麥秋在莊聞疫者多急歸丸藥置
通衢任人取之或謂天雨麥爛竟不顧

溫炳陽武庠牛束髮好道有羽衣客過訪語甚洽將
去羽衣語曰某年月日子有堂上喪且二豎爲祟能
平子患者我也子其遲我蘇門之安樂窩及期一如

羽客言乃命僕輩昇往蘇門訪所謂羽客者無有也
遇一童子具告所以童子曰吾師也邈賦遠遊不知
所往遂出背所負細腰葫蘆中藥僅如黍米日子有
緣人也解腰間瓢取泉水服下炳遂藉草眠覺則起
居如平時矣後十有二年病復作有老黃冠賣藥至
龙色赤爲數二十四服之復愈時本縣詹小尹精柱
下言炳與之往來無間壽七十二無病卒

盧橘陽武庠生精邵子數能知死期預於千年前語
長子斗望曰吾當蓋於某年月日及期全無病色望
不謂然橘自命役設床於庭沐浴衣冠叩天地祖宗
畢寢床上正日午而逝

趙太子陽武人生而狂立雪中雪融離身丈許嘗渡
黃河立水面竟去嘉靖中河溢水浸城腹有黠者給
令浴太子卽從女牆翻身墮旋渦黠謂其必死已而
手持一銀錠自怒浪中出周藩聞其異物色之給一
牌令所至人供養焉凡供養之家其日獲利數倍後
與遊郿僧十餘人羅而梵唱者數日忽失所在

國朝

張四斗溫人精天文六壬諸術明季嘗言汴當災後
果被流寇決河淹沒又通內養法壽九十有四無疾
而卒

王子湘字裔韓溫邑庠生都督信季子善六壬奪門

之術尤工於求雨設壇步禱輒四野霑足鄰封旱魃
爲虐多迎之者酬以金帛終弗受